

ANDRO FANDRESENA

 Afaka mipetraka ianareo raha sitrakareo. Ary tiako ny maneho ny fankasitrahako an'Andriamanitra, noho ny tombontsoa amin'ny maha-eto ka mihaona amin'ireo namana mpiray tanindrazana ao amin'ny Fanjakan'Andriamanitra. Raha mbola miangona eto ianareo vahoaka, izao maraina izao, ato amin'ity tranon'ny rahalahy ity, mba—mba hanana fiombonana miaraka anankiray, dia toa mampahatsiahy kely ahy an'ilay Fianganana voalohany izany. Ny fomba voalohany nanombohan'ny Kristianisma, dia, hoy ny Baiboly hoe, "Izany dia nitety trano. Nihaona izy ireo ary namaky ny mofo tamin'ny fahatsoram-po." Ary izany no tantsika hananana izao maraina izao, raha mbola eto isika, dia ny fahatsoram-po, tanjona tokana.

² Anankiray—zavatra anankiray izay ezahantsika tanterahina, ary, izany dia, ny manataneraka ny drafitr'Andriamanitra ho an'ny fainantsika, raha mbola eto antany isika. Ary angamba, angamba, Andriamanitra, an'arivony taona maro izay, saingy Izy dia, tamin'ny alàlan'ny Fahendreny tsy manam-petra, nahafantatra fa ho eto isika izao maraina izao, ary ho eto ambadik'ity tanety ity, na—na ity an-efitra ity, ao anatin'ny trano kely. Fantany izao efa an'arivony taona lasa izay.

³ Ankehitriny, nihaona tamin'ny sasany amin'ireo sakaizanay izahay izay tonga amin'ity maraina ity avy any Tucson, ny fianakaviana Stricker. Ary hanana milina manome herin'aratra anankiray izy ireo izay simba ao anatin'ny fiaran'izy ireo. Nangoninay izay azonay nalaina, mba hitondra azy ireo, ilay ramatoa eto sy ireo—ireo ankizy. Ary ho avy izy ireo, afaka kelikely, raha toa ka vitany ny nanamboatra an'ilay milina manome herin'aratra. Tany amin'ny kihon-dàlana anankiray eto izany. Tsy fantatro hoe taiza ilay izy. Saingy faly isika tonga eto.

⁴ Ary ankehitriny, Rahalahy Isaacson eto, ary zara raha mifankahafantatra izahay, afa-tsy hoe fantatray fa mpirahalahy ao amin'i Kristy izahay. Efa hanana fotoan'ny fiombonana niaraka izahay. Ary mino aho fa ny fihaonanay voalohany dia tany...tany Phoenix, taona maro lasa izay. Ary raha manatrika eto ny vadiny, dia mety tsy ho fantatro izy. Ankehitriny, izany no nifankahalalanay, mba hahafantarana hoe iza no vadiny, na ny fianakaviany.

⁵ Teo am-pahatongavana dia nihaona tamin'ny anankiray amin'ireo rahalahy mainty hoditra aho nitsangana teo am-baravarana, tena sakaiza mahafinaritra iray niaraka tamin'ny fifandraisan-tànana, fantatrareo, manao anareo hahatsapa kely

toy ny hoe tena tonga soa fotsiny ianareo, fantatrareo, eo am-pahatongavana, ary—ary eto anivon'ity olona maro tahaka an'izao ity izao maraina izao, ary Izany dia manome ahy tombontsoa iray.

⁶ Ary ankehitriny, efa nanana tombontsoa aho niresaka tamin'ny faritra maro be olona, izay nananan'izy ireo angamba olona an'aliny niangona. Fa izaho...Ireo tsangambaton'ny asam-panompoako dia ny fotoana tahaka an'izao, rehefa misy angamba roa ambin'ny folo, na roa, mipetraka miaraka, toy ny hoe miasa akaikin'ny olona kokoa Andriamanitra. Heveriko fa mahatsapa ho mifankahalala kokoa isika, ary—ary satria mivory ao anatin'ny fiangonana kely isika. Toy ny hoe ny Tenin'Andriamanitra dia tena—tena malaza amintsika, dia rehefa isika, hoy Izy hoe, “Na aiza na aiza misy roa na telo miangona amin'ny Anarako, dia eo afovoan'izy ireo Aho.”

⁷ Omaly hariva, nanakaiky ny misasak'alina, dia tafaraka fotsiny aho tamin'ny...tao amin'ny trano iray izay nisy lehilahy anankiray sy ny vadiny, ary tovovavy iray, izay very saina, noho ny zavatra kely iray izay niseho. Ary rehefa teo izahay...nivory niaraka, izaho sy ilay ramatoa tanora fotsiny, tao amin'ny efitra iray, satria ireo zavatra izay tsy maintsy nolazaina, dia nisy izany, naleoko kokoa izahay no niaraka. Ary indro tonga io Hazavana io, io Anjelin'ny Tompo io, ary nivory teo amin'izay nisy anay mihitsy, naneho fa—fa mihazona ny Fampanantenany Andriamanitra.

⁸ Ary omaly, dia nisy tovolahy iray teo amin'ny roa amby roapolo taona, avy amin'ny fianakaviana fanta-daza iray, voan'ny donika, ary nanenika azy ny donika. Ary maro aminareo olon-dehibe no mahafantatra hoe inona izany, indrindra ny lahy. Ireo lahy, tena toy ny hoe mamono azy ireo mihitsy izany. Ary io zazalahy io, nandritry ny andro maro, tena teo amin'ny roa herinandro mihitsy, dia tratry ny tazo teo amin'ny zato faingo dimy degre. Ankehitriny, fantatrareo fa tao anatin'ny aretina tampoka izany tany. Ary ireo dokotera dia nanao fotsiny ihany izay rehetra azon'izy ireo natao, niaraka tamin'ny penicilline sy ny sisa, mba hamely an'ilay tazo noho io areti-mifindra io. Saingy toy ny hoe tsy nisy fiantraikany mihitsy izany. Fa tao anatin'ny fotoana iray minitra teo anatrehan'Andriamanitra, ny soritry ny tazo rehetra dia niala tamin'ilay tovolahy. Nitsangana izy, tsara. Ary izany dia haneho fotsiny an'ilay Olona tena ilaina dia Kristy.

⁹ Izany no maha-eto antsika, izao maraina izao ato amin'ity trano ity, dia ny hanompo an'i Kristy, amin'ity andro sabata ity.

¹⁰ Niandry fatratra ny fotoana hahatongavana eto aho, hihaonana amin'ireo rahalahintsika sarobidy, ary ianareo vahoaka. Voaraiko ireo fahafolon-karenanareo izay nalefan'ny rahalahy ho ahy, matetika, avy amin'ity fiangonana kely eto

ity. Ary ny harena tahaka an'izany, dia hazoniko ho masina indrindra ho ahy manokana, satria fantattro fa tsy maintsy hamaly aho indray andro any ny amin'izay nalehan'izany avy teo. Ary tiako tokoa ny hankasitraka, tena mankasitraka, ary tiako ny haneho ny fankasitrahako dia fahatokiana avy aminareo vahoaka, ny—ny amin'izany fisainana izay nanananareo izany, mahafantatra an'ireo fahafolon-karena izay anananareo. Ary mihaona ao anatin'ny trano tahaka an'ity ary, kanefa, tianareo izay kely anananareo mba hanaovana, ny tsara indrindra amin'ny fahalalanareo, mba hanohanana ny—ny asam-panompoana. Amin'izay fotoana izay, manomboka eo, dia izaho no tsy maintsy ho tompon'andraikitra amin'izany. Ary tiako ny ho mpitandri-pananana tsara iray ho an'ny Tompontsika, ary tsy maintsy hamaly aho amin'io Andro io, ny amin'izay nataontsika teto an-tany.

¹¹ Ankehitriny, misy zavatra anankiray, eto aoriana eto dia tsy voahelingelina be loatra an'ilay fieron'ny fifamoivoizana isika, ary tsara izany.

¹² Koa ankehitriny, mila tsy ho haiko fotsiny hoe ahoana no hilazana an'izao, saingy mirary aho mba hahavitantsika fifohazana anankiray eto, izay ananantsika andro maro ho an'izany. Satria, amin'izao fomba izao, dia miditra fotsiny ianareo ka manao hoe, “Manao ahoana ianao? Faly aho mahita anao,” ary miresaka mandritry ny fotoana vitsy ny amin'ny Tompo, dia lasa indray. Tokony ho any Tucson aho amin'ny iray sy sasany. Ary ahoana fa ilay izy . . . Mihaona eto tahaka an'izany fotsiny isika, ary mifandray tānana amin'ny hafa, sy manao hoe, “Manao ahoana ianao? Faly nahita anao,” dia lasa.

¹³ Fa, fantatrareo, mieritreritra ny Andro anankiray aho izay hihaonantsika ka tsy hanaovantsika veloma. Tsy hilaza isika hoe, “Mahafinaritra ny mahita anao. Manantena anao hiverina indray.” Fa, isika angamba mety hanisy ora vitsivitsy iarahana eto. Any isika dia afaka, mety hipetraka isika ary hiresaka mandritry ny iray tapitriza taona, raha misy ny andro tahaka an'izany, ary isika dia tsy—tsy hisy fotoana tsy ho ampy amin'izany rehefa mipetraka isika. Hitanareo? Mandrakizay fotsiny izany. Tsy misy—tsy misy farany ny amin'izany. Ary ny mieritreritra ny fotoana hahatongavantsika any, sy tahaka an'izany, ary rehefa hamindra eo amin'ireo lalantsaran'ny paradisan'Andriamanitra lehibe isika, sy ireo Anjely mihira ny antema.

¹⁴ Ary—ary izao no fotoana izay tsy—tsy maintsy hiadiansika, mba handresy an'ilay ady, sy handresena an'ireo zavatr'izao tontolo izao.

¹⁵ Ary Any, eny, tsy hisy ady intsony Any. Hatao ilay vavaka farany; tsy hanana fivoriam-bavaka intsony izy ireo. Tsy hisy intsony toerana hahafahan'ny olona ho voavonjy. Tsy hisy

aretina ho sitranina intsony. Ary izany dia ho zavatra anankiray tena be voninahitra fotsiny.

¹⁶ Ary inona no azontsika atao amin'ny maha-olombelona, izao maraina izao, inona—inona no azontsika ampanantenaina? Inona no zavatra azontsika jerena izay mety ho lehibe indrindra afat-sy ny miandry an'ilay teny fikasan'io andro io. Hitanareo?

¹⁷ Mieritreritra ny eto isika. Mijery ny fiovan'ny taona aho, manomboka amin'ireo zazakely minono eo ambonin'ny lohalik'ireo reniny, mankany amin'ireo zazalahy kely any antsekoly, ireo zazalahy sy zazavavyadolantsento, ary avy eo ilay taona antenatenany, ary avy eo ilay antitra indrindra. Hitanareo? Ary ilay—ilay zazalahy any an-tsekoly, vao tamin'ny taon-dasa izy no teo ambonin'ireo lohaliky ny reniny, zazakely minono iray. Hitanareo? Ary ilayadolantsento dia vao niditra an-tsekoly tamin'ny taon-dasa, toy izany. Ary ilay taona antenatenany dia efaadolantsento iray. Ary avy eo ilay taona antitra. Izao fotsiny... Oh! Hitanareo? Ilay izy dia toy ny entona iray fotsiny izay manidina eto an-tany dia levona. Solomona no niteny, mino aho fa izay ilay izy hoe, "Toy ny voninkazo iray izany. Mitombo izy, ary avy eo dia tapahana izy, ary tsy hita intsony." Ary isika—isika dia te-hanararaotra ny fotoana maha-eto antsika.

¹⁸ Koa ankehitriny dia ndao isika hiresaka Aminy, ankehitriny, raha manondrika ny lohantsika ao amin'ny vavaka isika.

¹⁹ Ary raha misy olona eto izay maniry ny hotsarovana ao amin'ny vavaka, ohatra hoe, olona marary, na manana ilaina, raha tianareo ampahafantarina an'Andriamanitra fotsiny izany ao am-ponareo, manao hoe, "Ankehitriny, Tompo, niditra aho, mba—mba hangataka an'ity fangatahana ity." Ary raha hanao fotsiny ianareo, mba hahafantaroko, kely fotsiny, raha hanangana fotsiny ny tanganareo ianareo, ary izao fotsiny, tahaka an'izao, manao hoe, "Tsarovy aho." Ny Tompo anie hitahy anareo betsaka.

²⁰ Andriamanitra Tsitoha, Izay nanao ny lanitra sy ny tany, tamin'ny alàlan'ny Teninao, mivory eto izahay izao maraina izao hiresaka ny amin'ity Teny ity, sy ny amin'ilay Anankiray lehibe Izay ny Teny.

²¹ Misaotra Anao izahay ny amin'ity tombontsoa lehibe ity amin'ny nahatafaverina indray eto amin'ilay ambadiky ny an-efitra. Teo amin'izany indray andro no nisy kirihitra iray nirehitra izay nitarika ny fifantohan'ny mpaminany mpandositra iray. Ary teo izy no nahazo fanirahana indray, ary nirahina, ka lasa mpanafaka lehibe an'ireo vahoaka tamin'izany andro izany, an'ilay lovan'Andriamanitra izay tao anatin'ny fanandevozana. O Andriamanitra lehibe, tsy ho tonga eto amin'ilay ambadiky ny an-efitra ve Ianao izao maraina izao hiaraka aminay? Araka ny fantatray, dia ao anatin'ireo

katedraly lehibe Ianao, ary manerana an'izao tontolo izao, saingy mahafantatra kosa fa Ianao dia Andriamanitra tsy manam-petra, ary tsy misy ny hoe toerana kely loatra. Na, tsy misy toerana, na tsy mampaninona na dia miperitaka tsara manerana ny tany aza izahay, kanefa dia mbola manerana Ianao, afaka tonga na aiza na aiza amin'ny fotoana rehetra. Misaotra Anao izahay ny amin'izany.

²² Ary ato amin'ity fivoriana ity izao maraina izao, dia misaotra Anao izahay ny amin'ny rahalahinay sy—sy ny andian'ondry keliny eto, sy ny herim-pon'izy ireo sy ny fahatokiany ho an'ilay Antony an'Andriamanitra eto an-tany androany, ary mangataka ny Fitahianao izahay ho amin'izy ireo. Ary enga anie, raha mbola misy foana ny fanirian'ny fo ho an'i Kristy, dia enga anie hisy iraka iray foana any ho any hanaiky, hitondra ny Hafatra ho an'izany fo noana izany.

²³ Ary mivavaka izahay, Ray An-danitra, ho an'izay ilain'ireo olona izay manangana ny tànany ireo izao ankehitriny izao. Ianao no mahafantatra an'izay midoboboboka ao ambanin'ny tànan'izy ireo, manerana ny fon'izy ireo. Manana ilaina anankiray izy ireo. Raha aretina izany, Tompo. Ianao Izay nandray an'i Paul Sharritt izay vao avy noresahina ora vitsy lasa izay, rehefa nandry teo anelanelan'ny fahafatesana sy ny fiainana izy, niaraka tamin'ny tazo nivaivay ka ny fitsaboana ara-tsiansa rehetra dia tsy afaka nampijanona, ary kanefa dia tenim-bavaka kely anankiray no nampijanona an'ilay tazo teo no ho eo. Ianao no Jehovah Andriamanitra. Asehoy fa Ianao dia tena mbola voaseho tsara koa, ary tena misy androany, eto amin'ity ambadiky ny an-efitra ity, tahaka ny naha-izany Anao niaraka tamin'i Mosesy tany amin'ilay ambadiky ny an-efitra tany.

²⁴ Misaotra Anao izahay, satria fantatro fa hihaino vavaka Ianao. Ary manatona Anao izahay am-panetre-tena indrindra sy am-pahatsorana indrindra, mahafantatra fa ho ratsy ny hangataka Aminao an'ireo zavatra izay saintsaininay fotsiny ao amin'ny sainay. Te-hahitsy fo sy ho tena manana antoka izahay, ny amin'izay angatahanay. Tsy maintsy mino an'izany izahay, ary—ary—ary mahafantatra fa ny sitrapon'Andriamanitra no manome anay an'izany, satria efa voalaminay ato amin'ny fonay izany, miaraka amin'izay rehetra fantatray, Tompo.

²⁵ Noho izany, dia mivavaka izahay mba Hanasitrananao ny olona marary rehetra izay ato izao maraina izao. Vonjeo ny tsirairay izay very. Ekeo izany. Enga anie hisy zavatra ho voalaza na ho vita androany, izay hanao azy ireo, eny amin'ny toerana izay ipetrahan'izy ireo, na itsanganany eran'ny rindrina, na aiza izany na aiza, mba hihetsika ao am-pon'izy ireo anie ilay fifikiran'ny finoana an'Andriamanitra ary dia hilamina izany, indray mandeha monja. Ekeo izany, Ray.

²⁶ Tahio ny rahalahy izay namela anay hahazo an'ity trano eto ity ho an'ny favoriana.

²⁷ Ankehitriny dia miresaha aminay amin'ny alàlan'ny Teninao, fa izany no maha-eto anay, Tompo. Tianay ny miombona amin'ny tsirairay avy, saingy Ianao kosa no ilainay, Tompo. Afaka mandeha eo ambanin'ny hazo any ho any izahay sy mipetraka ary miresaka amin'ny tsirairay avy. Saingy, eto, dia mivory izahay mba hahita sitraka Aminao. Tsy hivory hiaraka aminay ve Ianao ankehitriny, Tompo? Efa nanokatra an'ilay sezazahay ao amin'ny fonay, mba ho Fiandriananao androany, hiresahana aminay, ary hilazana aminay an'ireo ilaina izay ananananay, ary ny Fitavanao no naneho taminay tahaka ny anehoanay ny fitiavanay Taminao. Izany dia angatahanay amin'ny Anaran'i Jesosy Kristy. Amena.

²⁸ Ery, raha misy olona ery aoriana ery, izay maniry ny hipetraka, dia mahita sezazahay maromaro aho eto, mba hahafahanareo mitambatra, ary raha maniry ny hahazo aina kokoa ianareo.

²⁹ Ankehitriny, ireto fotoana izay iainantsika ireto dia fotoana lehibe. Ary omaly, raha teo am-pieritreretana aho hoe inona no ho lazaiko androany, mahafantatra fa niandry ny ho tonga eto, ary inona no ho lazaiko rehefa tonga aho, ao amin'ilay favoriam-bavaka kely? Ary nangataka ny Tompo aho mba hanampy ahy. Ary—ary naka naoty vitsy tao amin'ny Soratra eto aho, izay tiako haseho aminareo vahoaka izao maraina izao, raha eo ampiandrasana an'ireo fitahian'ny Tompo isika.

³⁰ Ary mivavaka isika ankehitriny mba hanokafanareo ny fonareo sy hahazoanareo fandondonana kely indrindra, malemy indrindra an'i Kristy eo amin'ny fonareo. Tsarovy, ianareo, raha tsy mpino anankiray ianareo, ary tsy mbola nanaiky an'i Kristy mihitsy, dia ity no ho zavatra lehibe indrindra izay hany hiseho aminareo, dia ny hiangona ato amin'ity trano ity izao maraina izao, mba hahatongavan'izany fandondonana izany ao amin'ny fonareo. Raha hanaiky an'izany ianareo, dia varavarana iray ho an'ny Fiainana izany. Ny mandà an'izany dia fahafatesana. Ary izany no maha-eto antsika izao maraina izao, dia ny haneho aminareo fa misy varavarana iray misokatra ho an'ny mpino rehetra izay afaka mino.

³¹ Ankehitriny dia tiako ny hamaky avy ao amin'ny bokin'ny Fanambaran'i Jesosy Kristy, ny toko faha-15. Tiako ny hamaky ampahany iray, ny andininy efatra voalohany an'ny toko faha-15 an'ny bokin'ny Apokalyps.

*Ary hitako ny famantarana iray hafa tany an-danitra,
sady lehibe no mahagaga, dia anjely fito izay nanana . . .
ny loza fito farany; satria ireny no mahatanteraka ny
fahatezeran'Andriamanitra.*

Ary hitako fa toa ranomasina fitaratra miharo afo izany: ary izay nahazo fandresena ka afaka tamin'ilay bibidia, sy tamin'ny sariny, sy tamin'ny marikany, ary tamin'ny isan'ny anarany, dia nitsangana teo amin'ilay ranomasina fitaratra, nanana...ny lokangan'Andriamanitra.

Ary izy ireo dia nihira ny fihiran'i Mosesy mpanompon'Andriamanitra, sy ny fihiran'ny Zanak'ondry, manao hoe, Lehibe sy mahagaga ny asanao, Tompo Andriamanitra Tsitoha; mahitsy sy marina ny lâlanao, ianao ry Mpanjakan'ireo masina.

Iza no tsy hatahotra anao, O Tompo, sy tsy hankalaza ny anaranao? fa ianao irery ihany no masina: ary ny firenena rehetra ho avy ary hiankohoka eo anatrehanao; fa ny fitsaranao dia efa naharihary.

³² Ary raha sitraky ny Tompo, dia tiako ny haka lahatsoratra iray avy amin'izany, hiantsa an'izany hoe andro-F, [V-day amin'ny teny Anglisy—Mpand.] *Andro Fandresena*, tahaka an'izany no marim-pamantarana ataontsika aminy, fandresena feno iray.

³³ Ireto olona ireto, izay ao amin'ilay toko izay isika no... vao avy novakantsika, dia vao avy nahazo fandresena. Heveriko fa ny teny hoe *fandresena* dia teny lehibe iray amin'ny teny Anglisy. Izany dia midika fa ianareo dia—dia nandresy ny fahavalao, ary ianareo no naharesy, ary ianareo no mpitondra fandresena iray. Ary dia mihira hira isika ary mihiby fandresena. Ary eto isika dia mahita fa nisy zavatra anankiray, ireto olona ireto dia tonga teo amin'io ranomasina fitaratra io, miharo afo. Ary izy ireo dia nahazo ny fandresena afaka tamin'ilay bibidia, tamin'ny sariny, tamin'ny marikany, ary tamin'ilay literan'ny anarany. Ireo zavatra rehetra ireo, dia nahazo fandresena tamin'ireo izy ireo, ary mpandresy nitsangana teo amin'ilay ilany hafa, teo amin'ilay ranomasina fitaratra miharo afo, mihira ny hira fiderana an'Andriamanitra Tsitoha.

³⁴ Ankehitriny, ny miresaka ny fandresena sy ny andro-F, sy ny sisa, izany dia mitonдра antsika miverina ao amin'ilay fieritreretana ny ady, rehefa mieritreritra ny andro-F isika. Satria, vao tsy ela izay, nandritry ny taona vitsy lasa, dia tonga teo amin'ny—ny—ny andro iray isika izay nantsointsika hoe andro-F, an'ny ady, izay nahazoantsika ny fandresena an'ilay fahavalao. Ary tena mampalahelo fa tsy maintsy mieritreritra an'izany isika, fa izao tontolo izao dia nilona tao anatin'ny ràn'olombelona nanomboka tamin'ny ràn'i Abela marina mihitsy aza.

³⁵ Ny ràn'olombelona voalohany izay nandona ny tany dia i Abela marina. Ary izy, ny antony tsy maintsy nandatsahany ny ràny, dia satria izy no nahitsy tamin'Andriamanitra. Ary

Andriamanitra dia nanaiky ny—ny fanaovam-panavotany izay nananany, tamin'ny finoana no nanolorany ho an'Andriamanitra, an'io zanak'ondry io.

³⁶ Ary ilay rahalahiny mpialona, izay nialona azy, no namono an'i Abela marina. Ary io antony io ihany, saiky izany mihitsy, no nahatonga ny fandatsahan-dràñ'olombelona teto ambonin'ny tany. Ary tena milona ao amin'izany tanteraka tokoa ilay tany antitra, manerana an'izao tontolo rehetra izao, ràn'olombelona. Isika... Misy antony iray ho an'izany. Misy antony iray izay nahatonga an'ireo, izay nilatsahan'io ràn'olombelona io. Ary hitantsika fa ny antony voalohany dia noho ny fialonana, fa—fa i Kaina dia nialona an'i Abela satria Andriamanitra dia nanaiky ny fanatitr'i Abela. Ary ny Hebreo 11 no miteny amintsika fa—fa—fa, “Abela no nanatitra ho an'Andriamanitra ny fanatitra tsara kokoa noho ny an'i Kaina, ary Andriamanitra no nanambara an'izany.” Ary Kaina, mazava ho azy, dia lasa nialona an'izany, satria nolavina ilay fanatiny, ary ny an'i Abela no nekena. Ary Abela dia nanao an'izany tamin'ny finoana. Ny Baiboly no nilaza, fa, “Nataony tamin'ny alàlan'ny finoana izany.”

³⁷ Eo am-pahitana fa—fa, ireo zazalahy anankiroa ireo dia niezaka ny hahita sitraka tamin'Andriamanitra, mba hiverina indray, satria fantatr'izy ireo fa avy tao amin'ilay sahan'ny Fiainana madio fotsiny izy ireo. Ary lavo izy ireo, taty amin'ilay ilany hafa, noho ny fandikan-dalàñ'ireo raiamandreniny, izay nanao azy ireo ho eo ambanin'ny fahafatesana; tahaka antsika rehetra mitsangana mihitsy, izao maraina izao, eo ambanin'ny fahafatesana. Ary naniry izy ireo ny hahafantatra hoe ahoana no hiverenana ao amin'io toerana io izay mety hahitan'izy ireo Fiainana indray. Ary, teo am-panaovana an'izany, izy ireo—izy ireo dia niezaka ny hahita sitraka tamin'Andriamanitra.

³⁸ Ary Kaina dia nanolotra fanatitra tsara tarehy anankiray avy amin'ireo voninkazo sy voankazo avy amin'ny saha, na inona na inona ilay izy dia napetrany teo ambonin'ilay alitara.

³⁹ Fa i Abela, tamin'ny alàlan'ny fanambarana ara-panahy, voambara taminy fa tsy voankazo avy amin'ny saha no nahatonga an'ilay fahafatesana. “Rà no nahatonga an'ilay fahafatesana.” Noho izany, dia namerina nanolotra ràn'ny mpisolo tsy manan-tsiny iray izy, ary neken'Andriamanitra izany. Ary izany no fanati-panavotan'Andriamanitra ho an'ny fahotantsika, nanomboka tamin'izany andro izany mihitsy. Tsy misy fomba hafa, satria raha nanaiky an'izany teo amin'ny fototra hafa iray Izy, dia tsy maintsy ho tonga eo amin'izany fototra izany isika, mba ho, mba hahita sitraka amin'Andriamanitra. Fa ilay rà tsy manan-tsiny an'ny zavatra iray tsy manan-tsiny ihany no neken'Andriamanitra. Hitanareo?

⁴⁰ Ary noho izany, raha ny hatsaran-tarehy sy ny toerana lehibe no ho eken'Andriamanitra, androany isika dia... Hanontany tena isika hoe, "Ho tonga eto ambadiky ny an-efitra ve Izy, ho eto amin'ity trano kely mipetraka eo akaikin'ny lalamby ity? Ho tonga eto ve Izy ka hihaona amintsika?" Fa raha katedraly lehibe iray ilay izy, na hatsaran-tarehy no—no natolotr'i Kaina, nahoana, dia ho hitantsika fa miresaka amin'ny tenantsika fotsiny isika, ary amin'ny rivotra.

⁴¹ Fa Andriamanitra dia tonga eo amin'ny fototry ny rà nalatsaka. Noho izany, tsy mampaninona, androany, na kely toy ny inona aza isika, na mahantre toy ny inona aza isika, na te-ho betsaka toy ny inona isika, hanome ho an'Andriamanitra ny toerana lehibe iray, fa tsy hanaiky an'izany Andriamanitra, mihoatra noho ny Hanekeny izao ankehitriny izao, satria isika dia tonga eo amin'ilay fototry ny Rà nalatsaka an'ny Mpisolo tsy manan-tsiny iray, dia Kristy maty ho antsika mpanota.

⁴² Ankehitriny, ny antony nandatsahana an'io Rà io, dia satria, mino aho, fa ny olona dia tia ny... Andriamanitra no manasa ny olona hijery, fa ny olona kosa tia ny—ny maneho ny tenany. Ny olona dia tia ny mijery an'izay ezahan'Andriamanitra haseho aminy, eo amin'ny fototry ny—ny heviny manokana mikasika an'ilay izy. Hitanareo? Andriamanitra dia miezaka maneho zavatra amin'ny olona, saingy ny olona dia te-hanaiky an'ilay izy eo ambonin'izay... ny fomba izay ijereny an'ilay izy.

⁴³ Fa ilay izy dia tahaka ny olona anankiray izay te-haneho fisehon-javatra iray. Tsy maintsy misy antony iray hanehoana an'io fisehon-javatra io. Misy... Raha hoy ianareo hoe, "Jereo iry an-tendrombohitra iry," ankehitriny dia misy zavatra anankiray eo izay mitarika ny fifantohanareo, izay iezahanareo angatahana ahy mba hijery an'ilay tendrombohitra. Hitanareo? Na hoe, "Jereo itsy hazo itsy," hitanareo, misy zavatra anankiray mikasika an'ilay hazo izay tianareo ho jerekoo.

⁴⁴ Ankehitriny, Andriamanitra dia miezaka ny hanao ny olona hijery an'ilay mpisolo tsy manan-tsiny mba hiverenana. Fa ny olona dia te-hijery Azy amin'ny fombany manokana. Tsy te-hijery an'izay ezahan'Andriamanitra haseho azy izy, ao amin'io mpisolo tsy manan-tsiny io. Noho izany, dia izany no nahatonga an'ilay olana. Amin'izay fotoana izay, rehefa mijery ny olona, arak'izany, dia maka solomaso, mba hijerena lavitra, hahitana an'izay ezahan'Andriamanitra haseho azy, dia diso amin'ilay fanitsiana tsara ny masolaviny izy.

⁴⁵ Teto teny an-dàlana, vao tsy ela akory izay, avy tany amin'ny dia iray teny an-tendrombohitra, dia nisy olona nanao hoe, "Jereo, raiso ireo solomaso ireo dia jereo *eto* ny zavatra anankiray." Eny, nalaiko ilay solomaso. Nahita zavatra telo na efatra samihafa aho. Ankehitriny, hitanareo, fantattro fa nisy zavatra tsy nety tamin'ilay izy. Hitanareo? Ankehitriny, io osidia

mitsangana eo amin'ny saha io, toy ny hoe nisy telo na efatra tamin'izy ireo no niaraka nitsangana. Ankehitriny, inona ilay izy, ilay osidia dia tena osidia anankiray tanteraka fotsiny. Tena tsara ilay solomaso. Saingy ny tsy maintsy nataoko, dia ny nanamboatra an'ilay fanitsiana mandra-pahatonga an'ireo osidia telo rehetra ho anankiray, ary nanao osidia anankiray. Hitanareo? Avy eo izany . . . Hitanareo, taoriako, dia fantattro fa nisy ny . . . tsy maintsy ho osidia anankiray, satria izany no nolazaiko. Saingy ny naka an'ilay solomaso sy njery tao amin'izany, dia nahita aho, atao hoe, osidia telo nitsangana teo. Eny, tsy tao amin'ny fanitsiana ilay solomaso. Izaho—izaho dia tsy maintsy nampifanitsy indray an'ilay solomaso, mandra-pahatongany teo amin'ny toerana iray izay nahitako osidia anankiray. Ary tamin'izay fotoana izay dia ilay solomaso no nampifanakaiky azy tanteraka tamiko mandra-pahitako hoe toy ny inona ilay izy.

⁴⁶ Ankehitriny, manome antsika ny Baiboly Andriamanitra. Ankehitriny, ny Baiboly dia ny Teny, ary ny Teny dia Andriamanitra. Noho izany, dia izany no masolavitra antsika. Izany no solomasontsika. Saingy, amin'izay fotoana izay, rehefa handeha hijery ao amin'ilay Baiboly isika, ka mahita fomba efatra na dimy samihafa, eny, dia mila fanitsiana izany, hitanareo. Ary isika—isika dia tsy maintsy mitondra an'ilay zavatra ho eo amin'ny toerana izay hahitantsika an'ilay tanjona masina tokana an'Andriamanitra.

⁴⁷ Fa ny olona dia tia manomboka rafi-pandaminana iray, manaraka an'ity fomba ity. Ary ny anankiray hafa dia tia ny hoe, "Eny, fantattro. Heveriko fa mety ho lasa olona lehibe kokoa noho izy aho, noho izany dia hanomboka avy *eto* aho. Hampianatra ny zanakay tsaratsara kokoa izahay, ary hanao an'ity izahay sy ny sisa." Hitanareo? Diso amin'ny fanitsiana an'ilay solomaso izy ireo. Tian'Andriamanitra hijery zavatra anankiray izy ireo, ary izany dia ilay Rà tsy manan-tsiny izay nalatsaka nohon'ny fahotan'izy ireo. Tena marina izany. Izany ilay tena zavatra, tsy mampaninona. Tsy mila rafi-pandaminana anankiray isika. Tsy manana na inona na inona hanoherana azy ireo aho, fa izy ireo fotsiny . . . ilay fahasimbana izay ataon'izy ireo, mitarika ny olona sy mampisaraka ny mpirahalahy sy ny sisa.

⁴⁸ Fa isika dia mila mijery zavatra anankiray fotsiny, ary izany dia ilay Mpisolo antsika. Marina izany. Ary izany Mpisolo izany dia Jesosy Kristy.

⁴⁹ Ary koa amin'izao andro izao dia mahita ianareo hoe toy ny ahoana no hiolanolanantsika ao anatin'ireo rafi-pandaminana. Dia hoy izy ireo hoe, "Nahazo fifohazana iray ireo Metodista. Mazava ho azy, fa tsy mahakasika an'ireo Batista izany. Ireo Metodista izany. Ary *ireto* no nahazo fifohazana iray, sy ny sisa." Ary izy ireo—izy ireo dia manilika an'ireo olona hafa, hatrany hatrany. Saingy isika tsy te-hijery an'izany amin'io fomba io.

⁵⁰ Isika dia te-hanohy hanao an'ilay fanitsiana mandrapahitantsika fa misy Andriamanitra anankiray. Rehefa mahita telo amin'izy ireo ianareo any, dia tsaratsara kokoa ho anareo ny mampifanitsy kely an'ilay solomaso. Hitanareo? Ianareo dia—ianareo dia mahita zavatra diso. Noho izany dia tsaratsara kokoa ho anareo ny manamboatra an'ilay izy, dia hahita fa Andriamanitra anankiray no misy eo ambonintsika rehetra, ary Izy no Andriamaniry ny taranak'olombelona.

⁵¹ Ary raha Izy no Andriamanitra, tokoa, dia liana amin'ny olombelona tsirairay Izy, satria Famoronany izany. Ary liana amin'ny ankizy Izy. Liana amin'ny antitra sy ny taona antenatenany Izy. Liana amin'ny—ny volon-koditsika Izy, dia ny fotsy, ny volontany, ny mainty, ny—ny mavo, aloka samihafa an'ireo hoditsika avy amin'ny firenena izay nihavantsika sy ireo razantsika. Liana amintsika rehetra Izy. Izy dia tsy liana amin'ireo Jiosy, fotsiny ihany, na ny—na ny taranaka mavo, taranaka mainty, taranaka fotsy, na inona ilay izy na inona.

⁵² Liana amin'ny taranak'olombelona manontolo Izy, ary miezaka ny hanao ny taranak'olombelona hampitanitsy amin'ny Teniny amin'ny zavatra anankiray, ka hanao hoe, "Misy Andriamanitra anankiray, ary izany Andriamanitra izany no nanome Mpisolo tsy manan-tsiny iray, tamin'ny fahatongavana; lasa, Izy tenany, Olona, mba hanaisotra ny fahotana, mba hamonjena ny taranak'olombelona manontolo." Jaona mpaminany dia nanao sary nahafinaritra anankiray hoe, "Indro ny Zanak'ondrin'Andriamanitra, izay manaisotra ny fahotan'izao tontolo izao, na iza na iza." Ilay olana ara-pahotana manontolo dia voalamina teo mihitsy tao amin'io Mpisolo tsy manan-tsiny anankiray io.

⁵³ Saingy rehefa nihazona an'io masolavitr'Andriamanitra teto io ny olona, izy—izy dia nanomboka... Nijery be loatra an'ilay ara-nofo izy, ka diso tamin'ny fahitana an'ilay fampiharana arapanahy izay omen'ilay Teny.

⁵⁴ Ankehitriny, hitanareo, izany ny anankiray amin'ireo zavatra lehibe izay ataon'ny olona rehefa miezaka ny mijery izy, satria mijery tahaka ny nijeren'i Kaina tamin'ny alàlan'ireo solomaso izy. Nijery ny—ny zava-bitä manokana izy. Nieritreritra i Kaina hoe, "Ankehitriny, raha afaka manala an'i Abela amin'ny lâlana aho, amin'izay fotoana izay dia izaho irery ihany sisà no misy. Noho izany, hitanareo, eo, io olona anankiray io dia any ivelan'ilay lâlana." Izany no niezahan'ny olona hatao, nandritry ny taona maro, dia ny miezaka hanala ny olona hafa amin'ilay lâlana.

⁵⁵ Fa, tokony niezaka izy nitondra an'ilay olona hafa tao amin'ilay lâlana niaraka taminy, ary—ary ho rahalahy iray, hitanareo; raha tokony niezaka hiteny hoe, "Oh, io vondrona kely io, hongoty any fotsiny izy ireo. Ary ho an'ity *eto* ity, oh, eny,

izy ireo dia *ity*, na *itsy*.” Hitanareo? Tsy tokony hanao an’izany isika. Tokony hiezaka isika hitondra an’ilay zavatra manontolo ho anankiray—sary mafy anankiray, ary izany dia Jesosy Kristy.

⁵⁶ Ramatoa tanora iray, omaly hariva, tao amin’ny fifampiresahana iray, nilaza izy...Fa izy dia nilaza... Zanakavavin’ny mpitoriteny iray no nanana karazana resam-pitiavana kely, ary—ary very saina izy mikasika an’izany. Izy dia lasa, fikorontanan-tsaina iray. Vehivavy tanora iray tena mahafinaritra, ary teo amin’ny telo amby roapolo taona teo.

⁵⁷ Ary tamin’izy mbola zazavavy kely, teo amin’ny roa ambin’ny folo taona teo, dia tany Chicago izy. Ary nipetraka tao amin’ny favoriana...Na, Elgin, ilay izy. Ary nipetraka tao amin’ny favoriana, tonga teo amin’ny mpanatrika ny Fanahy Masina ary niantso azy, hoe iza izy, ka nanao hoe, “Tratry ny fahalemen’ny fo ianao. Ny dokotera dia miteny fa tsy afaka ny ho velona hatrany amin’ny dimy ambin’ny folo taona ianao. Saingy, HOY NY TOMPO HOE, sitrana ianao.” Ary izy dia tsy nahatsapa intsony mihitsy aza—intsony mihitsy aza ny aretim-po, hatramin’io.

⁵⁸ Ary omaly hariva dia tratry ny karazana aretim-po hafa anankiray izy. Izany dia aretim-po, ara-panahy iray. Nitsoaka ny malalany ary nanambady vehivavy hafa anankiray. Ary, kanefa, mbola tao anatin’ny fitiavana izy. Ary io zazalahy io dia niteny fa ao anatin’ny fitiavana, ihany koa, miaraka aminy, fa ny “rainy no nahatonga an’ilay izy.”

⁵⁹ Hoy aho hoe, “Oh, hadalana. Tsy tokony nanambady an’ilay zazavavy hafa izy. Nataony ilay izy satria diso tamin’ny fahazoana an’ilay karazam-pitiavana anao marina izy.” Izay no tena izy.

⁶⁰ Saingy, hitanareo, satria voatosika tanteraka tao anatin’izany, ilay zazavavy dia nipetraka tao anatin’ny—tao anatin’ny fiondrehana iray, tahaka an’izany. Ary hoy izy hoe, “Oh, fantatro fa tia ahy i Johnny. Fantatro.” Hitanareo? Izay ihany no azony nojerena. Miaina ao anatin’izany tontolo kely izany izy, irery. Izy ihany no nanao ny tenany tao anatin’izany.

⁶¹ Ary noraisiko tamin’ny tānany izy. Hoy aho hoe, “Henoy aho.” Ary naneho fahitana iray ny Tompo, hitanareo, fa fantamy fa tsy nahafantatra na inona na inona mikasika an’izany aho, fa zavatra anankiray no niseho, fitarihana iray nanelanelana azy ireo. Ary rehefa voalaza izany, tamin’izay fotoana izay dia izany no nampihetsika azy avy hatrany. Hoy aho hoe, “Ankehitriny, raha efa tsy ao amin’izany intsony ianao, dia mijere an’i Kalvary. Eo, dia handeha hivoaka ianao ary hanomboka hanandrana hisotro, nefo zanakavavin’ny mpitoriteny iray, zanakavavin’ny mpitoriteny Pentekotista iray, ary manao an’ireo zavatra izay ataonao, miezaka ny hamono an’io alahelo io; io lehilahy io, sy ny olona dia tsy hiraharaha an’izay fipoakan’ny rantsany ho anao.”

Hoy aho. "Mijere ery Kalvary ery, ry zazavavy. Izany ihany no lâlana iverenana."

⁶² Tokony hanao ny tenantsika ho voahitsy isika, hany ka, na velona na maty isika, milentika na maty an-drano, dia Kalvary izany, Kristy. Izany no zavatra izay tian'Andriamanitra hiverenantsika.

⁶³ Ary ireo lehilahy, ao amin'ny fanitsian'ny Tenin'Andriamanitra, raha tokony hitondra an'Izany miaraka ka manao an'Izany hilaza zavatra anankiray izay nampitenenin'Andriamanitra Azy, dia mijery an'ilay ilany ara-nofo isika. Noho izany, izany—izany, ny olona manao an'izany, dia izy ihany no mitondra ny tenany ho eo amin'ny toerana iray izay hanarahany fotsiny an'izay natolotra azy. "Izao no fanararaotra iray izay isika, isika vondrona kely, no hahavita an'ity, ary mahavita isika. Tsy misy idirantsika amin'ny sisa amin'izy ireo." Ary—ary izany, hitanareo, izany no zavatra voalohany izay voatolotra; raha tokony hampifanitsy, hahafantatra fa izany no fitiavan'ny mpirahalahy izay tokony hananantsika ho an'ny hafa, ary—ary hifankahazo, sy hifankatia, ary hifanompo miaraka amin'ny hafa. Manetry ny olona izy ireo noho ny fitafiana izay anaovany, na ny—na ny fianarana izay ananany, na ny lokon'ny hodiny, na—na zavatra tahaka an'izany. Na ny... Ary izany, noho izany, dia izany no mampisaraka ny olona, ary ny olona dia manaraka an'izany.

⁶⁴ Tsy manome anjara iray ho an'ilay olona anaty mba hihetsika mihitsy izany. Ankehitriny, isika dia—isika dia olona telo; aina, vatana, ary fanahy. Ankehitriny, fa rehefa ilay fisainana ara-nofo... Ireo hery ara-panahy izay miasa ao anatinareo dia ny fisainanareo sy ny—sy ny fanahinareo. Hitanareo? Ankehitriny, ny fisainana ara-nofo, izany dia tena mahay tokoa, hiezaka ny hanatanteraka zavatra anankiray amin'ny alâlan'ny fahaizany. Hitanareo? Ary rehefa manao an'izany izy, ilay tena zavatra rehefa manao an'izany izy, dia manipy ny tenany ho lavitra an'ilay olona ara-panahy izay ao anatinhy izy. Ary eo no miteraka ny olana, eo mihitsy, hitanareo, miezaka ny hahavita an'ilay izy amin'ny tenany izy.

⁶⁵ Tahaka ny nolazaiko teto, vao tsy ela akory izay, mino aho fa tany amin'ny tabernakla izany, hoe, "Lehibe loatra Andriamanitra, ka afaka ny ho lasa tena tsotra Izy."

⁶⁶ Ankehitriny, hitanareo, rehefa lasa lehibe isika, dia tsy mety ho tsotra isika. Hitanareo? Isika, isika dia mahafantatra be loatra. Ary isika—isika dia lasa eo amin'ny hoe, "Oh, tokony ho tahaka an'izao ity, ny fomba ilazantsika Azy, raha tsy izany dia tsy izy Izany, mihitsy." Hitanareo? Eny, izany fomba izany, no mahadiso antsika an'Andriamanitra.

⁶⁷ Fa raha ny olona iray no mba afaka fotsiny, olona malaza iray, afaka fotsiny ny hiha-malaza sy hiha-malaza, ka manohy

ny hiha-malaza, dia inona no hataony? Ho lasa hiverina avy hatrany ho tena manetry tena indray izy, ary tena tsotra, hany ka hanitsaka azy avy eo amin'ny tampony ny olona nefá tsy fantany izany, hitanareo, ilay olona malaza izay eo afovoan'izy ireo.

⁶⁸ Ilay zavatra mitovy izay ataontsika fotsiny. Isika, isika dia mandrefy electron iray, isika dia mamaky atoma iray, ary mandefa ha—hafatra iray eny amin'ny volana, nefá mandeha eo ambonin'ny ahitra tsotra izay tsy fantatsika akory na inona na inona momba azy. Marina izany. Ilay voninkazo kely, tsy misy olona afaka hanazava na afaka hahita an'ilay aina izay mifaina ao anatin'io voa kely ao ambanin'ny tany ao io, mba hamokatra voninkazo iray amin'ny taona manaraka. Singan'ahitra tsotra iray, ireo siantifika rehetra eto amin'izao tontolo izao dia tsy afaka manamboatra solofoon'ahitra anankiray, na dia singan'ahitra iray aza. Hitanareo? Tsy vitanareo izany, satria mihazona aina izany. Ary noho izany, hitanareo, isika . . .

⁶⁹ Izao no voalaza hoe, “Ny adala dia mandeha amin’ny kiraro feno fantsika eo amin’izay hatahoran’ny Anjely hitsahina.” Ary tena marina tokoa izany. Mandeha eo ambonin’ny zavatra tsotra isika. Mandeha eo ambonin’Andriamanitra isika.

⁷⁰ Isika dia mandeha eo ambonin’ny—ny orkide iray, mitady margerity iray. Ankehitriny, izany ilay izy, hitanareo, mandeha eo ambonin’ny orkide. Fa raha manatsotra ny tenantsika fotsiny isika, dia mietre. Tsy misy olona afaka hijery mihitsy aza . . .

⁷¹ Ilay voaloboka tany, inona ilay izy? Andriamanitra. Inona ilay izy? Lavenom-bolokano izany, miaraka amin’ny aina iray ao anatiny. Mitodiha, mijere lavitra, misy hazo matanjaka iray mijoro eo, hazon-dandihazo, mino aho. Inona izany? Lavenom-bolokano izany, miaraka amin’ny karazana aina hafa iray ao anatiny. *Ity* karazana aina ity, dia nanao ny—ny hazo iray. *Itsy* karazana aina itsy, nanao voaloboka iray. Hitanareo?

⁷² Ary inona isika? Lavenom-bolokano, miaraka amin’ny aina iray ao anatiny. Inona no nanao antsika ho isika? Tsy mety hihoatra noho izany isika, fa Andriamanitra no nametraka ny Fiainana Mandrakizay ao anatintsika, ary amin’izay fotoana izay dia lasa vahoakan’Andriamanitra isika. Noho izany, isika dia—isika dia mandinika, mampifanitsy ny Teny amin’izay fotoana izay amin’Andriamanitra.

⁷³ Fa ny olona dia tsy manome anjara iray mihitsy an'ilay olona ao anaty mba hanazavana hoe inona no marina, noho izany dia izany no mahatonga ny olona. Diniho. Mahita isika, raha tsy manao an'izany izy, amin’izay fotoana izay dia inona no mitranga? Mahita isika fa ny fahatezerany, tahaka an'i Kaina, dia miakatra, hitanareo, haingana mihitsy. Nialona izy. Tsy tiany Andriamanitra, hanome ny azy, hanaiky ny an'i Kaina . . . ny fanatitr'i Abela fa tokony ho ny azy. Izy dia te-handeha, ihany koa. Nila ny fanatiny manokana izy. Nila ny

làlany manokana izy, hitanareo, raha tokony hanatona an'i Abela, ka nanao hoe, "Oh, ry rahalahiko, tena faly aho fa nanaiky Andriamanitra. Ankehitriny manana làlana iray isika, ka fantatsika fa manaiky an'ity làlana ity Jehovah, satria Noporofoiny tamin'ny fandraisana ny fanatitrao izany." Tsy izany ve ny zavatra tokony ho—ho natao? Saingy raha tokony ho izany, dia lasa nialona izy.

⁷⁴ Ankehitriny, tsy hitanareo ve ilay zavatra mitovy amin'izao andro izao ao amin'ireo olona? [Hoy ny fiangonana hoe, "Amena."—Mpand.] Hitanareo? Ilay làlany fotsiny izany, hitanareo, ankehitriny, raha tokony nanaiky an'ilay làlana izay amarinin'Andriamanitra ho Fahamarinana.

⁷⁵ Ilay làlana izay idiran'Andriamanitra Izy tenany teo amin'ny sehatra, ka nanao hoe, "Ity no izy. Izao famantarana izao no hanaraka an'ireo izay mino. Homba anareo Aho, ho ao aminareo mihitsy aza. Vetivety foana, dia tsy hahita Ahy intsony izao tontolo izao; kanefa ianareo no hahita Ahy, satria homba anareo Aho, ho ao aminareo mihitsy aza." Hitanareo, izao tontolo izao, ianareo... "Tsy hahita Ahy izao tontolo izao, fa ianareo no hahita." Hitanareo, "Tsy hahita Ahy i Kaina, fa ianao no hahita, ry Abela." Hitanareo? Satria, izany dia—izany dia ilay zavatra mitovy.

⁷⁶ Ary raha tokony ho tonga ka hanao hoe, "Eny, mahafinaritra. Mahita an'Andriamanitra eo afovoan'ny olona isika, miasa. Hanao an'izany ve isika"? Tsia, tompoko. Miaraka amin'ny fanekem-pinoana, ilay zavatra mitovy, sy fitiavantena, raha ny marina, ary miaraka amin'ny fialonana, ilay zavatra mitovy izay ananan'i Kaina, dia nitaky ny ràn'ny rahalahiny izy. Miezaka ny hamafa azy amin'ilay làlana izy, hialana aminy. "Tsy misy afa-tsy andiana holy-rollers izy ireo. Kely izy ireo." Hitanareo? Fantatrareo izay tiako ho lazaina. Izany no anombohan'ilay olana. Eo no manomboka ny olana. Eo no tapaka ireo voady. Eo no tapaka ilay fisarahan'ny fiombonana. Izany ilay zavatra izay manimba ny tokantrano. Izany ilay zavatra izay mamelona an'ilay—ilay kodiarana handeha mankany amin'ny fisaraham-panambadiana. Izany ilay tena zavatra izay manapaka an'ilay fiombonana.

⁷⁷ Izany ilay zavatra izay nanapaka ny fiombonana tany Edena, dia satria ilay Eva no diso tamin'ny fihazonana an'ilay fanitsiana, an'ilay fijereny ny Tenin'Andriamanitra, ka nihaino ny fandanjalanganjan'ilay fahavaloo. Hitanareo? Hitanareo? Raha mba nianona mahitsy fotsiny izy niaraka tamin'ny hoe, "Andriamanitra no niteny an'izany. Milamina hatreo izany. Andriamanitra no niteny an'izany," saingy tsy tiany ny nanao an'izany. Hitanareo? Novainy ilay fanitsian'ny solomasonry, ary nanomboka nahita izy, raha tokony ho làlana anankiray ilay izy, dia lasa làlana anankiroa izany. Hitanareo? Nahita izy, "Eny, ankehitriny, angamba mety ho marina ity lehilahy ity. Angamba

marina izy. Ankehitriny, fantatsika fa marina Andriamanitra, ary angamba marina izy. Izao dia hazavana betsaka ny amin'izay nolazain'Andriamanitra." Hitanareo ve eo?

⁷⁸ Misy zavatra mitovy izay mitranga amin'izao andro izao, tena miverina tanteraka amin'ilay toerana mitovy mihitsy. Hitanareo? Hitanareo? Mahita hevitra anankiroa ianareo. Anankiray ihany no misy. Tsy misy fanekem-pinoana. Ny Teny izany, ny Tenin'Andriamanitra, ny tanjon'Andriamanitra, ny drafitr'Andriamanitra. Ny drafitra hafa rehetra dia tsy tsara.

⁷⁹ Fa, ary nanao an'io zavatra ratsy io i Eva, ary izany no antony amin'izao andro izao izay Andriamanitra, ao amin'ny Teniny, dia tsy mamela mihitsy ny vehivavy ho mpitoriteny. Hitanareo? Tsy navela fotsiny izany ao amin'ny Teny.

⁸⁰ Aninkeo maraina, tao an-tranonay, dia nireshaka izahay, ary nipetraka teo amin'ny latabatry ny sakafotra maraina, vao maraina. Tianay ny hanomboka, mba hahafahanay ho tonga eto ara-potoana, ka hiverina indray ho an'ny fifamotoana hafa. Noho izany, izahay, hoy aho... Niresaka teo amin'ilay latabatra izahay. Ary—ary nireshaka izahay mikasika an'izany, ny teny dia tonga, mikasika an'ireo Anjely. Ny zanako lahy kely, Joseph, nipetraka teo, nilaza zavatra anankiray mikasika an'ireo Anjely. Dia hoy izy hoe, "Ankehitriny, ry dada," hoy izy, "ireo Anjely..."

Hoy aho hoe, "Andriamanitra dia lehilahy iray."

"Saingy," hoy izy, "ireo—ireo Anjely dia vehivavy."

Hoy aho hoe, "Tsy misy zavatra tahaka an'izany." Hitanareo? Hoy izy...

⁸¹ "Eny, Izy ireo dia..." Saraha, ny zanako vavy, dia nanao hoe, "Saingy, ry dada," hoy izy, "tany, izy ireo, izy ireo dia nanao zipo." Hoy izy, "Izy ireo, izy ireo dia vehivavy."

Hoy aho hoe, "Izany dia, mpahay ny momba ny saina iray no nanao an'izany sary izany."

⁸² Tsy nahita mihitsy izy ireo, ao amin'ny Baiboly, Anjely iray nantsoina hoe "izy." [vavy—Mpand.] Ilay izy dia "izy," [lahyl] foana, izy, izy, izy, [lahyl] fa tsy—fa tsy "izy." [vavy] Tsy misy mihitsy ny zavatra toy ny hoe Anjely iray ka vehivavy iray. Tsy nisy mihitsy izany, ao amin'ny Baiboly. Ary tsy misy, ao amin'ny Fianganon'Andriamanitra velona. Tsy misy ny zavatra toy ny hoe vehivavy iraka iray. Ny *anjely* iray dia "iraka." Noho izany, dia tsy namela an'izany mihitsy Andriamanitra.

⁸³ Satria, hoy ny Baiboly hoe, "Adama no natao voalohany, izay vao Eva. Ary tsy Adama no voafitaka, fa ny vehivavy izay voafitaka no tao amin'ny tsy fanarahan-dalàna." Hitanareo? Noho izany, izy... Hoy aho, hoy Paoly hoe, "Didiako ny vehivavy tsy hampianatra, na banana fahefana, fa hangina, arak'izany koa no lazain'ny—ny lalàna."

⁸⁴ Ankehitriny, ao amin'izany, hitanareo, ankehitriny, ankehitriny, tahaka ny vondrantsika Pentekotista, izany ilay fakan'ahitra eo amin'izany. Hitanareo? Inona no ataon'izy ireo, maka an'ilay fanitsiana izy ireo, "Eny, ankehitriny, eto, indro misy vehivavy iray izay afaka mitory teny tahaka ny tselatra iray." Eny, tsy isalasalana izany, mihitsy. Izany tokoa. Efa nandre vehivavy mpitoriteny vitsivitsy aho, afaka nitory teny, ka ireo lehilahy aza dia tsy afaka nitsangana tao amin'ilay aloky ny fanaovana an'izany mihitsy, saingy tsy misy idiran'izany amin'izay marina; hitanareo, tsy misy na anankiray aza.

⁸⁵ Hoy Paoly hoe, "Raha misy anankiray miteny amin'ny fiteny tsy fantatra ka tsy misy mpandika teny, aoka izy hangina."

Hoy ianareo, "Tsy afaka hangina aho."

⁸⁶ Fa ny Baiboly no nilaza fa afaka ianareo, hitanareo, noho izany dia izay ilay izy. Hitanareo? Tsy maintsy atao ao anatin'ny lamina ilay izy, mipetraka ao anatin'ny lamina, apetraka eo amin'ny toerany, ary mijanona eo amin'ny toerany foana.

⁸⁷ Hitanareo, eo, mivoaka amin'ny fanitsiana ianareo. Izany dia miteraka lolom-po, ftiavian-tena, sy ny sisa. Raha tokony hampifanitsy ny tenantsika hiverina amin'ny Teny, dia mampifanitsy ny tenantsika mivoaka isika, ary hitanareo, "Eny, avelao izy ireo hanao izay hitany." Hitanareo, tahaka an'izany, izany fotosiny, amin'izay fotoana izay. Eny àry.

⁸⁸ Ankehitriny, hitantsika fa izany no manimba an'ilay fiombonana ao an-tokantrano. Izany no manimba ny fiombonana ao amin'ny fiangonana. Izany no manimba ny fiombonana ao amin'ny firenena, io zavatra mitovy io.

⁸⁹ Ireo firenena dia te-hahita ny lâlany manokana. Alemania dia te-hahita ny lâlany, samirery. Rosia dia te-hahita ny lâlany, samirery. Amerika dia te-hahita ny lâlany, samirery. Hitanareo? Noho izany, hitanareo, izay ilay izy. Izany ilay fanahin'ny firenena. Mahita an'izany ianareo na aiza na aiza alehanareo, mahita ny fanahim-pirenena ianareo. Nandeha aho, ary manana fomba samihafa izy ireo. Tena hafahafa ilay izy. Raha nanam-potoana aho, ho tiako mihitsy ny hitantara an'ireo firenena sasany ka haneho aminareo.

⁹⁰ Raha mandeha ianareo, mankany Alemania ianareo, dia mahita fanahy miaramila ianareo. Ny zavatra rehetra dia miaramila. Mila mijoro mahitsy ianareo, mandeha mahitsy, manapaka amin'ny hitsin-dàlanareo, sy ny sisa. Miaramila ilay izy.

⁹¹ Mandeha mankany Frantsa ianareo, dia mahita fanahy tsy maotina ianareo, ireo vehivavy fotosiny, ary divay, sy toaka, ary—ary ny karazany tahaka an'izany. Hitanareo?

⁹² Mandeha mankany Finlande ianareo, mahita fanahy manara-dalàna ianareo, toy ny hoe, ny zavatra rehetra dia

mahitsy fo. "Tsy maintsy mahaloa ny zavatra rehetra izahay." Hitanareo? Tsy maintsy vita ilay izy. Tsy maintsy ho tahaka an'izany fotsiny ilay izy. Tsy mampaninona na tsy maintsy hiasa mafy toy ny inona aza izy ireo, na ohatrinona ny vidiny, fa tsy maintsy ho tahaka an'izany ilay izy.

⁹³ Tonga ao Amerika ianareo, dia mahita goavana be iray ianareo hoe, "Ha, ha, ha, ha, ha!" Izany ny amin'ilay izy. Hia. Izany ilay fanahy Amerikana. Misy olona miteny vazivazy maloto ao amin'ny radio, dia mihomehy amin'izany ny olona rehetra. Ernie Ford, na-na ny sasany amin'izy ireo, ireo fitantaraon vazivazy izay ananan'izy ireo, fantatrareo, na aiza na aiza, Arthur Godfrey ary ilay tarika tahaka an'izany, hitanareo, izany no—izany no fanahy Amerikana. Izany no ahitanareo azy.

⁹⁴ Ary avy eo ireo fanahy ireo dia lasa mialona ny fanahy hafa. Ary inona no ataon'izy ireo? Miteraka ady izy ireo. Marina izany.

⁹⁵ Ankehitriny, hitanareo, ny firenena tsirairay dia fehezin'i Satana avokoa. Ny Baiboly no niteny an'izany. Izy no andriamaniry ny firenena. Nentin'i Satana niakatra Jesosy, temy an-tampon'ny tendrombohitra, ary nilaza... naneho Taminy ny fanjakana rehetra izay teto amin'izao vontolo izao, ny fanjakana rehetra, tamin'ny fotoana iray. Hoy izy, "Ahy ireo. Ataoko amin'izy ireo izay tiako atao." Hoy izy, "Homeko Anao izy ireo, raha hiankohoka amiko Ianao."

⁹⁶ Hoy Jesosy hoe, "Mankanesa ao Ivohoko, ry Satana." Fantany fa Izy no handova an'ireo ao amin'ilay Arivo taona. Hitanareo? Noho izany, tsy nila niondrika taminy Izy. Fantany fa izy ireo dia...

⁹⁷ Ankehitriny, rehefa hiverina indray Andriamanitra, ka handray, hanao ny Fanjakany eto, hitanareo, dia tsy hisy intsony ny karazana fanahy samihafa; ny fanahy Alemandy, sy ny fanahy Frantsay, sy ny—ny fanahy Norveziana, ary fanahy Amerikana. Tsy hisy an'izany. Ho Fanahy tokana izany, amena, ny Fanahin'Andriamanitra, miaina ao anatin'ny fo tsirairay. Marina izany. Ary hisy saina tokana, firenena tokana, vahoaka tokana, ny firahalahiana, ny maha-Ray niteraka an'Andriamanitra, ary ny firahalahiany'ny olona. Mpianaka! Eny.

⁹⁸ Avy eo dia izany no hitantsika, satria ny olona no manao an'izany, ary—ary miteraka an'ireo fifamaliana lehibe ireo, sy ny sisa... Ankehitriny, hitanareo, raha mbola i Satana foana no mifehy azy, dia tsy maintsy hisy ady sy korontana, ary ady. Jesosy no nilaza, ao amin'ny Masindahy Jaona... Masindahy Matio 24, nanao hoe, "Ianareo dia handre ady, sy filazana ady, sy ady, ary ady." Nahoana? Satria, ilay mpanjakan'ny tany, ilay Satana, ilay herin'ny firenena... Misy fanahin'ny firenena iray eto, fanahin'ny firenena iray eto. Ny devoly izany. Tsy afaka mifanaraka izy ireo. Hitanareo?

⁹⁹ Efa mba naka andiany iray ve ianareo tany amin'ny tanin'ny Eskimo tany, izay nandehananay teo ambonin'ny kalesy tarihin'alika, Alaska avaratra, ary niakatra hatrany amin'ny Faritra Avaratr'andrefana? Rehefa ilay—ilay mpitari-dàlana no namatotra an'ireo alika, izay antsoina hoe Huskies... Ary fatorany ny iray *eto*, ary ny iray *etsy*, ary ny iray avy *eto*.

Hoy aho hoe, “Nahoana no manao an’izao ianao?”

¹⁰⁰ Hoy izy, “Feno devoly loatra izy ireo, ka hifamono izy ireo.” Hitanareo? Izay fotsiny—mamono fotsiny, izay ihany no neverin’izy ireo.

¹⁰¹ Eny, izany dia—izany dia ny devoly, hitanareo. Mpamono izy. Izy, izy fotsiny, ilay firenena fotsiny... Na dia ireo devoly aza dia miady amin'ny devoly. Hitanareo? Miady amin'ny hafa fotsiny izy ireo.

Saingy, Andriamanitra dia tena fitiavana, hitanareo, noho izany dia tsy afaka manao na inona na inona afa-tsy ny mifankatia ianareo.

¹⁰² Noho izany, hitanareo, ny fitsipika fototra manontolo dia miverina avy hatrany indray amin'ireo fanahy ireo, miverina tanteraka any amin'ny fiandohana. Genesisy no tokon'ny voa, ary izany no mamokatra ny zavatra rehetra, arak’izany, izay ananantsika eto an-tany amin’izao andro izao.

¹⁰³ Ankehitriny isika dia manana ady sy fandresena, fandresena lehibe. Ho avy ny firenena anankiray ary hamely ny anankiray hafa, hanao hoe, “Voninahitra! Azontsika ny fandresena. Resintsika izy ireo.” Ary—ary avy eo, ny zavatra voalohany fantatrareo, ho lasa mpisakaiza izy ireo ary hifandray tànana, ary mifanao varotra eo amin'ny hafa.

¹⁰⁴ Ary afaka kelikely, dia hisy filoha iray hafa, na mpanjaka hafa izay ho tonga, na mpanapaka hafa, rafitra hafa. Ary, ny zavatra voalohany fantatrareo, dia indro izy ireo, miverina miaraka amin'ny basy indray ireo zafikeliny, miady amin'ny hafa, indray. “Ady, sy filazana ady.” Ary ity anankiray ity dia hihazakazaka ho eo amin’ilay anankiray hafa hoe, “Ankehitriny dia hanompo ahy ianao, fantatrao. Izaho no mpandresy, ary ianao ilay—ianao ilay anankiray izay resy, sy ny sisa.” Ianareo fotsiny... .

¹⁰⁵ Tahaka an'ilay fanamarihana izay reko indray mandeha hoe, “Andriamanitra no nanao ny olona, fa ny olona no nanao andevo.” Tsy nanao ny olona hanapaka ny hafa Andriamanitra. Andriamanitra dia nanao ny olona ho mpirahalahy, marina izany, ho mpirahalahy, fa tsy hanapaka ny hafa. Tsy misy razana ambony, tsy misy firenena ambony, tsy misy fiteny ambony. Fiteny tokana no ananantsika, an’ny Lanitra. Hitanareo? Marina izany. Firahalahiana tokana no ananantsika: an’ny olona izany. An’ny olona izany, tsy mampaninona na iza izy na iza.

¹⁰⁶ Nahoana isika no tsy maintsy hiady sy hamono ny hafa? Saingy ataon'izy ireo izany. Avy eo matetika, ny firenena tsara iray, na ny firenena izay manana rafitra iray ao anatiny, dia miezaka ny hanao ny tsara, ary miady ho an'ny zony, avy eo dia ho tonga ny firenena ratsy hanjaka aminy. Ary avy eo dia indro fa hamabo izy ireo, ary *ity* firenena ity dia ho lasa *izao*. Ary avy eo mifamadika, miova fotsiny, mifamadika.

¹⁰⁷ Ireo firenena dia efa nanana maro, fandresem-pirenena lehibe maro izay niezahany, rehefa niezaka ny hiady ho an'ny fahafahany izy ireo, sy izay hihazonany ny—ny fananany. Ary izy ireo dia nahazo—izy ireo dia nahazo inona? Raha mbola i Satana foana no mifehy azy ireo, dia hanohy hiady izy ireo. Fa izy ireo dia nahazo fandresena lehibe maro, fandresena lehibe. Afaka miverina isika, manomboka any amin'ilay tena fiandohana, ka haneho hoe taiza no nisy firenena nanapaka firenena, sy ny fankalazana an'ireo fandresena lehibe, sy ny sisa.

¹⁰⁸ Ohatra, tamin'ny Ady Lehibe Voalohany, rehefa nanana ny Ady Lehibe Voalohany isika, rehefa nitambatra ireo firenena maro ka nifanehitra teo amin'ny tany tao Alemania. Ary teo amin'izay nisy an'i Belgique sy ireo firenena samihafa izay niady teo ambanin'ireo saina samihafa, no nantsoina hoe Ady Lehibe Voalohany. Ankehitriny izaho . . .

¹⁰⁹ Misy rahalahy anankiroa mipetraka eto, na telo, angamba efatra aminareo, izay mety mahatsiaro an'izany. Izaho dia afaka mahatsiaro an'ilay izy. Efatra amby dimampolo taona aho.

¹¹⁰ Ary tsaroako, raha mbola zazalahy kely aho, teo amin'ny sivy, valo na sivy taona, tamin'ny 1914. Ndao jerentsika, sivy, folo, iraika ambin'ny folo, roa ambin'ny folo, telo ambin'ny folo, efatra ambin'ny folo. Dimy taona aho rehefa nipoaka izany. Tsaroako rehefa niteny izy ireo fa tsy maintsy hisy ady. Ary ny dadako dia teo amin'ny roa amby roapolo taona, ary tsy maintsy nalefan'izy ireo tany amin'ny ady izy. Oh, tsy afaka nieritreritra an'izany aho, handefa ny dadako any amin'ny ady. Tonga teo an-dàlana izy. Teo ambonin'ny fiara lavabe iray izy. Ary izy dia nanana ny . . . Ary nandeha tany amin'ny mpivarotra izy, izay tany amin'ny maily maro tany ambaninay, ary nanana harona nisy tsaramaso izy teo ambonin'izany. Izahay . . . Ary noho izany dia hoy aho . . . Nalaiko ireo tsaramaso. Nieritreritra aho hoe, “Raha tonga izy ireo ka hanomboka ny ady, dia ho velesiko amin'ity harona misy tsaramaso ity izy ireo raha ho tonga.” Hitanareo? Ankehitriny, izy ireo dia . . . Vao ny fisainana fotsiny an'ilay ady, ny dadako dia tsy maintsy handeha ho any amin'ny ady!

¹¹¹ Eny, ilay-ilay trompetra dia naneno, sy—sy ilay hoe “Vidio ny trosanareo,” sy ny sisa.

¹¹² Ary araka ny hahatsiarovantsika rehetra an'izany, “Handeha ho any izahay sy hanao an'io Ady Lehibe io, ary hampilamina

an'izany izahay. Ary avy eo dia izy ireo no handamina." Izy ireo dia nandamina an'ilay antsoiny hoe Fikambanan'ny Firenena. "Ary avy eo dia hisy ny filaminana, filaminana Mandrakizay. Izany ihany. Tsy misy ady intsony."

¹¹³ Afaka roapolo taona kely fotsiny ihany anefa, dia niverina tao anatin'izany indray isika, mahamay tsy mbola nisy tahaka azy, ao amin'ny ady lehibe hafa iray. Hitanareo? Ady! Nahoana? Fitavan-tena izany, fialonana. Hitanareo? Vantany vao nandao an'i Alemania i Kaiser Wilhelm, tamin'izay fotoana izay dia niditra ny lehilahy anankiray, amin'ny anarana hoe Adolf Hitler, Aotrisiana anankiray, ka nanao ny sain'ny olona hisavoritaka tanteraka, izay voatsindrin'ny demony, fa hoe afaka hikapoka an'izao tontolo izao izy ireo. Ary, izy ireo, ary teo ianareo. Hitanareo? Izany dia devoly manohitra devoly, indray, hitanareo, tahaka an'izany. Ary ireo olona tsy manan-tsiny avy amin'ireo firenena ireo, izay, izy ireo dia mifampitarika fotsiny ho amin'ny ady, ho amin'ny ady, ho amin'ny ady. Ary dia toy izany foana ilay izy, hatrany hatrany.

¹¹⁴ Ankehitriny, ankehitriny, dia mahita isika, fa avy eo, ny zavatra manaraka fantatralereo, dia nisy ady hafa iray tonga. Ankehitriny, indray, dia nandeha tao amin'ny ady indray izao tontolo rehetra izao, niaraka tamin'ireo fitaovana tsara kokoa, sy fiaramanidina tsara kokoa, ary baomba lehibe kokoa. Ary niady izy ireo, sy nivoa-drà, sy maty, sy maty noana, sy nivaingana, ary ny sisa rehetra. Ady, ady, ady!

¹¹⁵ Avy eo dia tonga ny andro iray, izay antsointsika hoe, ilay andro-F. Avy eo no nisintonako an'ity lahateny ity, ilay andro-F, Andro Fandresena. Izany no andro izay nahazoan'izy ireo ny fandresena, ary tamin'izany ireo—ireo tafika no nahazo ny fandresena teo amin'ireo tafika hafa, andro-F. Ankehitriny, dia nisy ny andro-A, ary avy eo dia nisy ny andro-F. Ny andro-A dia rehefa niditra izy ireo mba hiady. Ny andro-F dia rehefa voasonia ny filaminana, rehefa i Alemania sy ny sisa tamin'ireo firenena nitambatra taminy rehetra no nitolo-batana tamin'ireo—tamin'ireo—tamin'ireo firenena hafa.

¹¹⁶ Ary inona no nataontsika? Tamin'ny andro-F, dia nihira an'ireo hira isika. Nihiakiaka isika. Natsipintsika teny amin'ny rivotra ireo satrotsika. Nanapoaka basy teny amin'ny rivotra isika. Niantsoantsa isika. Nitsoka kiririoka isika. Nively amponga isika. Isika, isika dia nitendry mozika. Isika, isika dia nifampikapokapoka lamosina. Inona izany? Fandresena iray izany. Oh, nanana ny fandresena isika. Ahoana ireo... Nahoana, nahatsapa isika hoe, "Naharesy isika. Naharesy isika." Niakatra ireo saina, ary nitsoaka ireo trompetra, ary, oh, fotoana toy ny inona no nananantsika! "Fandresena, fandresena, fandresena! Naharesy isika."

¹¹⁷ Ary zavatra iray malaza izany. Izany dia nitondra filaminana teo amin'ireo—teo amin'ireo firenena Kristiana, nefà tsy izany. Ary nanana fotoana kely nakana aina isika. Ny sasany tamin'ireo zazalahy izay velona, dia niverina tany an-trano sy ny sisa. Saingy, lehibe maro, ireo andro ireo, dia, ny maro amin'izy ireo, dia ady lehibe.

¹¹⁸ Fa, fantatrareo, nandrity ny fotoana izay nisian'io karazana ady niadiana io, dia nisy koa vahoaka nino an'Andriamanitra izay nanana andro-F lehibe maro, ihany koa. Oh, eny! Nisy teo amin'ny lafiny roa, izay nisy an'ilay masolavitra nampifanitsy ary nandeha nankany amin'ilay lafiny ara-nofo, niaraka tamin'ny andro-F; ary nisy ihany koa izay mampifanitsy mankao amin'ny Teny ao amin'ny Soratra, izany dia mitondra andro-F hafa anankiray matetika.

¹¹⁹ Isika dia nanana maro amin'ireny ady lehibe manohitra ny fahavalontsika ireny. Ary Andriamanitra dia manana lehilahy malaza eto izay mijoro eny aloha, izay afaka ny—ny mamabo, amin'ny alalan'ny Fanahin'Andriamanitra, an'ireo fisainan'ny olona, ary mampiditra azy any amin'ny Fanjakan'Andriamanitra any, ka mivoaka mpandresy.

¹²⁰ Miady an'izany isan'andro isika. Ny Kristiana tsirairay dia miady ady anankiray, isan'andro. Ao anatin'ny adimpifamelezana iray isika izao ankehitriny izao, mitohy tsy mitsahatra ao anatintsika ao, eo amin'ny tsara sy ny ratsy. “Handray an’Izany ve isika? Inona no hataontsika? Hiondrika amin’izao tontolo izao ve isika? Hahafoy an’io fisainana izay ananantsika io ve isika?”

¹²¹ Ary raha hitantsika Izany, dia ampifanitsio Izany. Raiso Izany manomboka amin'ny Genesisy ka hatrany amin'ny Apokalypsy. Izy no HOY NY TOMPO HOE, isam-potoana, hatrany hatrany foana. Tsy afaka mamoy an’Izany isika. Tsy afaka manao marimaritra iraisana amin'ny sisa amin'izy ireo isika. Tsy afaka manao an’izany mihitsy isika. Tsy maintsy mijanona eto isika. Izay ihany. Tsy mampaninona na lehibe toy ny inona aza ilay fahavalo, sy ny hoe milina firy no hanoherany antsika, sy ny hoe rafi-pandaminana firy, ary ny hoe firy amin’ity, itsy, na ny hafa. Isika, anefa, nanao an’ity fanitsiana ity, avy amin'ny Tenin'Andriamanitra, hany ka hitantsika fa misy zavatra anankiray, ary izany dia ny Ràn'i Jesosy Kristy. Ary Izy no tsy miová omaly, anio, ary mandrakizay.

¹²² Noho izany, aza manisy fahasamihafana amin’izay lazain’ny olona hafa. Hoy izy ireo hoe, “Efa lasa ireo andron’ny fahagagana. Tsy misy izany karazana fanasitranana avy amin’Andriamanitra izany. Tsy misy ny batisan’ny Fanahy Masina. Ary ny batisa amin'ny Anaran'i Jesosy Kristy, izany dia ho an'ireo mpianatra irery ihany.” Ary ireo zavatra rehetra ireo, dia ezahan’izy ireo hampifanitsiana hiala amin’izany.

Hatramin'izao, dia mbola mampifanitsy miverina amin'ny Teny foana izany, ary tsy misy olona afaka milaza fa tsy ao izany. Marina izany.

¹²³ Noho izany, dia ao anatin'ny adim-pifamelezana iray isika. Ary ireo mahery fon'Andriamanitra dia nanana adim-pifamelezana foana.

¹²⁴ Ary ianareo, ry fiangonana kely, tsarovy indray eto, ianareo dia ampanhan'izany antoko izany. Ianareo no loha-laharana iray eto. Izany, fantatrareo hoe inona izany loha-laharana izany. Tokony ho fantatrareo, satria hoe misy anankiray eto akaikinareo eto. Noho izany, dia loha-laharana iray ianareo eto, eo amin'ny toerana iray, mba—mba hanangana avo an'ireo faneva, mba hanao izay marina, mba hilaza foana fa Jesosy Kristy no fanantenana tokana ho an'izao tontolo izao; tsy ny fiangonana Metodista, ny fiangonana Batista, ny hevitra Presbyterana, Katolika, na Jiosy, na mety ho inona koa izany; razana, foko, na volon-koditra. Tsy izany no izy. Jesosy Kristy no izy. Hitanareo? Izy ilay Tokana. Izy no Mpandresintsika. Izy ilay Tokana. Izy no Lohan'ny Kapitenin'ilay hetsika. Ity no Baikony. Tsy maintsy manaraka baiko isika. Ahoana no mba hahafahanareo . . .

¹²⁵ Ny sasany aminareo zazalahy ireo dia nandeha tany amin'ny ady. Ahoana no mba nahafahanareo . . . Nanome baiko iray ilay kapiteny, nefà ianareo nihodina ary nanao zavatra nifanohitra, nahoana, hampikorontana ny tafika manontolo ianareo. Marina izany. Hitondra azy ao anatin'ny tabataba iray ianareo. Tsy maintsy manaraka an'ireo baiko ianareo. Ny fomba tokana hahafahanareo manao an'izany, dia ny mampifanitsy an'izany, ary mahita an'ilay tanjona, ny amin'izay rehetra momba an'izany. Eny àry.

¹²⁶ Nanana ady lehibe maro isika, ady ara-panahy. Andro-F lehibe maro izay nananan'ny Fiangonana; ny tiako ho lazaina amin'ny hoe ny Fiangonana, dia ilay Vatan'i Kristy. Tsy miresaka ny amin'ny rafitry ny rafi-pandaminana aho ankehitriny. Miresaka ny amin'ilay Vatan'i Kristy aho. Ilay Vatan'ireo mpino, nandritr'ireo taona, dia nanana andro-F lehibe maro.

¹²⁷ Isika dia miresaka ny amin'izany, nanana ady marobe isika, ireo ady sy filazana ady, sy andro-F, sy andro-F, ary andro-F. Ary izany dia ho tonga ao amin'ilay ady lehiben'ny Aramagedona amin'ny farany. Io no ho farany amin'izany. Rehefa tonga eo amin'ny adin'ny Aramagedona izy, dia izany no hampilamina ny zavatra rehetra. Mialoha indrindra an'ilay Arivo taona lehibe, dia tsy maintsy manadio ny tany ny Aramagedona. Manadio ny tenany indray amin'io fipoahana atomika io izy, ary ny lavenom-bolokano sy ny sisa no mandentika an'ity vonton-dràñ'olona ity sy ny eto an-tany, ary ny ota sy ny heloka. Milentika any ambanin'ny tany izy, ary hipoaka indray ny volokano, ka

hanavao sy hanadio ny tany ho an'ilay Arivo taona lehibe. Manadio ny Fiagonany Izy, mandritr'izany fotoana izany, ho an'ny vahoaka iray izay hiaina eo. Amena. Izaho—izaho dia milaza fa, tiako izany. Eny, tompoko. Ho avy ny fotoana iray izay haha-lehibe an'izany.

¹²⁸ Ankehitriny, andro-F lehibe, mieritreritra an'ilay fotoana isika. Ndao isika hiverina any aoriania. Manana minitra vitsy isika ankehitriny hieritreretana ny sasany amin'ireo mpiady. Ndao isika hiverina any aoriania ary hieritreritra ny anankiray amin'ireo... Afaka miverina lavitra be isika. Fa ndao isika hiverina fotosiny hatrelo amin'i Mosesy. Mosesy dia nanana fotoana iray izay nidiранy tao anatin'ny adim-pifamelezana lehibe iray, satria ilay fiagonana, tao amin'ny tenany, dia efa nanadino ela ny fandresena.

¹²⁹ Izany ilay olana amin'ny fiagonana amin'izao andro izao. Ela loatra no nanadinoantsika fa Jesosy Kristy no tsy miová omaly, anio, ary mandrakizay. Adinontsika fa Andriamanitra dia Mpanasitrana, afaka manao an'ilay marary ho tsara. Adinontsika fa ny batisan'ny Fanahy Masina dia narotsaka teo amin'ireo mpianatra, ary nomena isaky ny taranaka, ho an'ny olona rehetra, na iza na iza afaka hanatona. Adinontsika izany, ela, taloha ela.

¹³⁰ Toy izany koa no nanadinoan'i Isiraely. Lasa afa-po izy ireo tany Egypta, ary avy eo dia lasa andevo.

¹³¹ Ary ankehitriny dia indro i Mosesy fa nidina, niaraka tamin'ny raharaha ara-tsainy manokana, ho an'ny fahavitana ara-tsaina, hiezahana mba, ary eo ambanin'ny hery aramiamila iray, hitondrana ny Isiraely hivoaka, ary tsy nahomby tamin'ny fanaovana an'izany.

¹³² Fa ny Teny iray fotosiny avy amin'Andriamanitra, tao ambadiky ny an-efitra, no nampangotraka indray an'ilay zavatra manontolo. Inona no nitranga tamin'i Mosesy? Nampifanitsy ny masolaviny izy. Ny tanjon'Andriamanitra dia tsy hoe ny hanambadiany fotosiny an'io tovovavy Etiopiana mainty hoditra tany io, sy—sy milamina eo ary manan-janaka, ary—ary mitandrina ny ondrin'ny rafozan-dahiny. Fa ny asany dia—dia ny hanafaka an'ireo zanak'Andriamanitra, hiala avy ao amin'io fanandevozana io. Izany no nanirahana azy. Izany no antony nahaterahany.

¹³³ Ary ny tsirairay amintsika dia teraka ho an'ny zavatra anankiray. Tsy napetraka fotosiny eto ho an'ny tsinontsinona isika. Ilay tendrombohitra dia tsy tonga teo mihitsy mba hisy fotosiny. Ilay hazo dia napetraka teo ho an'ny tanjona iray. Ny zavatra rehetra dia ho an'ny tanjona iray. Tsy maintsy ampiasaina izy. Ary eto isika ho an'ny tanjona iray. Angamba hijoro vavolobelona amin'ny olona anankiray izany ka hahatonga azy ireo ho voavonjy, ary avy amin'izany dia mety

ho tonga ny mpitory teny iray handefa fanahy iray tapitriza ho an'i Kristy.

¹³⁴ Jereo ny resak'i Dwight Moody, sy ny maro amin'izy ireny. Hitanareo? Vehivavy antitra kely anankiray fotsiny, niaraka tamin'ny . . . Vehivavy antitra kely mpanasa lamba fotsiny niaraka tamin'ny hafatra iray tao am-pony, mba hanaovana zavatra ho an'Andriamanitra, ary nanofa tranon'omby tranaindy iray izy, ary niantso mpitoriteny iray ho tonga sy hitory teny. Ary tsy nisy olona afa-tsy zazalahy mahantra kely iray, niaraka tamin'ireo volony nihantona teo amin'ny tendany, ary nanao ny fihazonam-patalohan'ny dadany, no nandeha tany ary nandohalika teo amin'ny alitara tamin'io hariva io. Dwight Moody, izay nandefa fanahy antsasaky ny iray tapitriza ho an'i Jesosy Kristy. Hitanareo? Nanana zavatra hatao io vehivavy io. Izy dia . . . Ho an'ny tanjona iray izany. Natao ho vehivavy mpanasa lamba iray izy, ho an'ny tanjona iray.

¹³⁵ Aza manamavo an'izay nametrahan'Andriamanitra anareo. Fa, iasao ny tanjonareo. Ho avy ny andro fandresena lehibe iray, indray andro any, izay hifaranan'ny ady.

¹³⁶ Ankehitriny, mariho. Mosesy, nandeha izy, rehefa avy nampifanitsy ny masolaviny ary nahita fa izany no fandaharan'Andriamanitra, izay tsy maintsy nataony. Nandeha izy. Niady mafy izy. Nanana ady lehibe maro izy. Fa ny anankiray tamin'ny adiny lehibe, fizahan-toetra, tiako ny—ny hitondra an'izany. Rehefa, nahavita izy, tamin'ny fanehoana an'ireo famantarana sy fahagagana, tamin'ireo zavatra izay nasehon'Andriamanitra taminy, mba hiteny ny Teny ka ho lasa mivaingana sy hitranga izany.

¹³⁷ Zavatra mitovy amin'izay ananantsika amin'izao andro izao, miteny ny Teny eo amin'ilay marary, [Nanapoapoaka ny rantsan-tanany Rahalahy Branham—Mpand.] dia mijery Azy manasitrana, sy manao an'ireo zavatra hafa izay nolazain'ny Tenin'Andriamanitra tamin'ny alàlan'ny molotr'olombelona. "Raha miteny amin'io tendrombohitra io ianareo hoe, 'Mifindrà,' ka tsy misalasala, fa mino fa izay nolazainareo dia hiseho, dia afaka hahazo an'izay nolazainareo ianareo." Jesosy no niteny an'izany. Ankehitriny, mino an'izany isika, sy mihazona amin'izany, sy mandray an'izany, ary mino an'izany.

¹³⁸ Ary ankehitriny, Mosesy dia nanao an'izany. Ary nandeha tany izy, ary Andriamanitra no nanaporofa fa nomba azy. Fa rehefa avy nahazo azy tanteraka, Andriamanitra . . .

¹³⁹ Izany dia toy ny hoe, ny fiainana Kristiana, raha tsy tena eo afovoan'i Kristy tanteraka ilay olona, ilay fiainana Kristiana, dia toy ny hoe, misy fahadisoam-panantenana be loatra. Saingy ireny fahadisoam-panantenana ireny no—no sitrapo Masin'Andriamanitra izay mitranga ho antsika. Ankehitriny, mety tsy ho toy izany ilay izy, fa fomba fanaovan'Andriamanitra

zavatra izany. Avelany ho tonga eo amin'ilay renirano isika, mba hahitana an'izay hataontsika.

¹⁴⁰ Notarihin'i Mosesy tao amin'ny lâlan'andraikitra avy hatrany ireo zanak'Isirael, ary ny tafik'i Farao no taoriany, ary nitorajofo ny vovoka avy tao amin'ny—ny lehilahy mitam-piadiana antsasaky ny iray tapitriza. Ary nisy roa tapitriza ireo Jiosy tsy afa-nanoatra tsy nanana na inona na inona, nitsangana teo, lehilahy, vehivavy, ankizy, sy ny sisa. Ary nanakana azy ny Ranomasina Mena. Nanakana azy ilay ranomasina maty. Izy... Tsy nisy toerana haleha. Hitanareo? Fa nahazo andro-F iray Mosesy rehefa tena nivavaka izy. Nandeha izy ary nanomboka nitaraaina tamin'ny Tompo.

¹⁴¹ Ary hoy ny Tompo hoe, "Nahoana ianao no mitaraina Amiko? Izaho no naniraka anao hanao an'izany. Mitenena amin'ireo zanaka, mba hanohizany handeha ao amin'ilay laharan'andraikitra." Amena. Eo ianareo izao. "Aza mitaraina Amiko. Ianao no nirahina mba haka an'ireo vahoaka ireo avy tany. Mitenena fotsiny amin'izy ireo, mba handrosoan'izy ireo, mijanona mahitsy ao amin'ilay lâlan'andraikitra." Amena.

¹⁴² Herim-po toy ny inona izany ho an'ilay olona marary! Herim-po toy ny inona izany ho an'ilay mpiverin-dàlana! Ahodino ny tenanareo, dia manomboha indray. Mijanona ao amin'ilay laharan'andraikitra. Asan'Andriamanitra no manokatra ny Ranomasina Mena. Asan'Andriamanitra izany. Mitenena fotsiny ianareo dia mandrosoa. Izay ihany no tokony hataonareo.

¹⁴³ Ary Mosesy, io andro-F lehibe io, dia teo amin'ny ranomasina teo. Oh, andro-F toy ny inona izany ho an'i Mosesy, sy ho an'ireo zanak'Isirael izay nankato an'ilay feon'ny mpaminaniny, rehefa niteny izy ireo ary nandroso. Hoy Mosesy hoe, "Izaho ve tsy efa... Efa fahagagana folo sahady izao no hitanareo, nefo dia mbola misalasala ihany ianareo." Ary nanomboka nandeha nankany amin'ilay ranomasina izy, niaraka tamin'ilay tehina teny an-tânany. Ary nandefa rivotra anankiray Andriamanitra tamin'ny alina ka nitsoka an'ilay ranomasina avy teny amin'ny ilany nankeny amin'ny hafa, ary niampita teo amin'ny tany maina izy ireo, andro-F anankiray.

¹⁴⁴ Jereo eto. Nitsangana izy ireo, na dia ny lahatenintsika androany aza dia nilaza, fa, "Izy ireo dia nitsangana ary nihira ny hiran'i Mosesy, teo amin'ny ranomasina fitaratra niaro afo." Hitanareo? Hitanareo? Nihira izy ireo. Ary Mosesy, rehefa niampita izy, dia tsy fantany izay hatao. Ary lasa izy... Indro tonga ny tafik'i Farao, niezaka ny naka tahaka an'ireo zavatra izay nataony. Fampitahana ara-nofo! Ary inona no nitranga? Nikatona ilay ranomasina ary nandetika azy ireo, ny tsirairay. Ary nahita an'ireo mpampahory maty izy.

¹⁴⁵ Naka amponga iray i Miriama ary nidina teo amin'ny morona izy, nively an'io amponga io. Ary nanaraka azy ireo zanakavavin'Isiraelly, nihiakiaka, sy nively amponga, ary nandihy. Ary i Mosesy dia nihira tao amin'ny Fanahy. Raha tsy izany no fivorian'ny Fanahy Masina tamin'ny andro fahiny, dia tsy mbola nahita anankiray mihitsy aho. [Elanelana tsy voarakipeo—Mpand.]

¹⁴⁶ “Ireo Egyptiana izay jerenareo androany ireo, dia tsy ho hitanareo intsony mihitsy.” Amena. Andro toy ny inona! Nifarana ny rehetra.

¹⁴⁷ Indray andro any dia ho avy ny andro-F hafa iray ho an’ny Kristiana, ihany koa. Marina izany.

¹⁴⁸ Mariho, Josoa dia nanana andro-F anankiray teo amin'ilay renirano, ihany koa. Josoa dia nanana andro-F anankiray tao Jeriko. Tena nanana tokoa izy. Teo amin'izay niampitany, dia nanana andro-F anankiray izy, voalohany, teo amin'ilay renirano. Teo izy ny volana Aprily, mety ho maily iray tery am-pita, no nisy an'i Jordana, satria teny an-tampon'ilay tendrombohitra tany, dia nisy oram-panala nitsonika. Ary nanerana ny lemaka rehetra, dia tondraka ny renirano.

¹⁴⁹ Ary tsy isalasalana fa mety niteny ilay fahavalo hoe, “Ankehitriny, Andriamanitra dia tena Je—Jeneraly iray, sa tsy izany Izy? Nitarika ny Tafiny hatreto mihitsy amin'ny andro lohataona, izay tena maha-ratsy indrindra an'ilay renirano, rehefa fotoana ratsy indrindra hiampitana izany, ary avy eo dia nitarika ny Tafiny ho eto, ka nitarika azy ireo hiampita.” Tsia.

¹⁵⁰ Andriamanitra dia mamela ny fahadisoam-panantenana hitranga, mba hanehoana fandresena. Oh, raha mba mety hahita an’izany fotsiny mantsy isika! Hitanareo? Ho hitanareo fotsiny fa ireo zavatra izay toy ny hoe tena mandoro anareo ireo, ka mandreraka anareo, izy ireny dia fizahan-toetra. Izy ireny dia zavatra, mba hipetrahanareo tsara, ampifanitsio eo amin'ny Tenin’Andriamanitra ny masolavitrareo. Dia teneno ny Teny, ary avy eo dia mandrosoa fotsiny. Izay ihany no hanaovana azy.

¹⁵¹ Tonga eo amin'ny fotoana iray isika, hoy isika hoe, “Andriamanitra, tsy fantatro izay hatao. Voan’ny tsy fidiny aho.”

¹⁵² Teneno ny teny hoe, “Tompo, mino aho.” Dia manomboha mandroso fotsiny. Andriamanitra no manao ny fanokafana an'ilay ranomasina. Ianareo manohy mandeha fotsiny. Hitanareo?

¹⁵³ Ankehitriny, dia mahita isika fa i Josoa, tamin'io fotoana io mihitsy, dia nivavaka izy. Ary nolazain'ny Tompo taminy izay hitranga. Ary nanana andro-F anankiray izy. Nandresy izy. Tamin'izay fotoana izay, rehefa nandresy an'ilay renirano izy ka tonga tery amin'ilay ilany, dia inona no nataony? Napetrany ilay fiara...

¹⁵⁴ Fa, ny Teny dia tao anatin'ilay fiara. Izany no napetrany voalohany. Avy eo ireo mpihira, sy ny sisa, no nanaraka taorian'izany. Fa ilay fiara no nandroso, voalohany.

¹⁵⁵ Rehefa nandeha hiady ny Isirael, ny zavatra voalohany nandroso dia ireo mpihira. Ary nandroso ireo mpihira, nihira. Avy eo dia nitsoka trompetra izy ireo, sy ny sisa. Avy eo vao niainga ilay fiara. Tamin'izay fotoana izay, rehefa niainga ilay fiara, avy eo dia napetrak'izy ireo ny fiara, ary ny—ny ady dia nanomboka.

¹⁵⁶ Mariho. Fa ankehitriny, ao amin'ity, rehefa ny Teny no nalain'i Josoa voalohany, ka napetrany ho voalohany ny Teny, dia niampita izy.

¹⁵⁷ Ary niteny taminy Andriamanitra hoe, "Tahaka ny Nombako an'i Mosesy, dia toy izany koa no Hombako anao. Tsy handao anao Aho. Homba anao Aho. Tsy hisy olona hahatsangana eo anatrehanao, amin'ny androm-piainanao rehetra. Ho eo mihitsy Aho. Aza matahotra an'izay hiseho. Ho eo mihitsy Aho." Avy eo dia inona, niaraka tamin'ny iraka tahaka an'izany, dia inona no azon'i Josoa natao afa-tsy ny nametraka ny Teny ho voalohany? Amena. Eo ianareo izao. Miaraka amin'ny iraka avy amin'Andriamanitra, dia apetraho ho voalohany ny Teny. Ary izany no nitondra andro-F anankiray. Oh, tsy maintsy ho tonga izany. Izay ihany.

¹⁵⁸ Napetrany ho voalohany ny Teny, ary inona no nitranga? Ny fiara no nidina voalohany, tao amin'ilay rano. Rehefa nidina izany, dia nisokatra ilay ranomasina, ilay renirano, raha ny marina, ary niampita izy ireo.

¹⁵⁹ Avy eo dia inona no hataony rehefa tonga teny izy? Inona ny zavatra manaraka izay hiseho, rehefa tonga teny amin'ny ilany izy? Tamin'izay fotoana izay dia hitany, fa voahodidina rindrina izy ireo, noho ny fahatahorana azy rehefa tonga izy.

¹⁶⁰ Fa nifanena tamin'ilay Lohan'ny Kapiteny izy, indray andro. Ary nanana andro-F hafa anankiray izy. Izy no nilaza taminy an'izay hatao, ary nirodana ireo rindrin'i Jeriko. Ahoana no hanaovany an'izany?

¹⁶¹ Ilay olona ara-nofo izay njery tamin'ny masolavitra, dia nanao hoe, "Ankehitriny, indro, Ianao no nitondra ahy eto, ary indro eto aho. Jereo ilay mpanohitra. Nahoana, izy rehetra dia ao anatiny ao, miaraka amin'ireo antsamotadiny. Raha manakaiky an'io rindrina io izahay, dia loza ho anay. Manana vato izy ireo mipetraka ao anatiny ao, ireo antsamotadiny lehibe. Manana lefona izy ireo. Manana tsipika izy ireo. Manana ny zavatra rehetra izy ireo mipetraka ao anatiny ao. Ary izy ireo fotsiny dia . . ."

Fa, hitanareo, Andriamanitra no napetrak'i Josoa voalohany. Ary rehefa nataony . . .

¹⁶² Ilay izy tsy hoe ahoana no hahatongavanareo ao. Miankina amin'Andriamanitra izany. Manohiza mandroso fotsiny, manaraha ny Teny.

¹⁶³ Hoy Izzy hoe, "Mandehana manodidina, fito andro. Ary amin'ny andro fahafito, dia mandehana im-pito. Amin'ny... Amin'ny fihodinana farany, dia tsofy ny trompetra." Ny toeran'Andriamanitra, dia ny manaisotra an'ilay ara-nofo. Ary niditra ilay ara-panahy, dia nirodana ireo rindrina. Ary niakatra avy hatrany izy ireo ka naka an'ilay zavatra. Eny, tompoko. Nanana andro-F anankiray Andriamanitra tamin'izany.

¹⁶⁴ Abrahama dia nanana andro-F anankiray, ela be taty aorian'ny nampanantenana azy an'io zaza io, nitsapa azy Andriamanitra ny amin'ny fitiavany sy ny fahatokiany; avy amin'ny taranany isika, raha mino an'Andriamanitra isika.

¹⁶⁵ Ary nanana andro-F anankiray i Abrahama. Oviana izany? Tamin'ny andro izay nialàny tao amin'ny tany lemak'i Sinara ve? Tsy dia izany loatra. Niampita izy, marina izany, an'i Eofrata, ary tonga teto amin'ity ilany ity, mba hivahiny. Andro tsara anankiray izany. Izany dia mbola karazan'ny...

¹⁶⁶ Fa ny tena andro-F lehibe ho azy dia ny teny amin'ny Tendrombohitra Jire, rehefa niakatra teo izy tamin'io andro io, rehefa nanome azy ny fitsapana farany Andriamanitra. Fa, nanana ny zananilahy tokana izy. Hoy Izzy hoe, "Ankehitriny, ry Abrahama, ento miakatra eny amin'io tendrombohitra io izy, ary atolory izy ho fanatitra anankiray. Izaho efa nanao anao ho rain'ny firenena. Io no zavatra tokana izay anananao, ny hahatonga anao ho 'rain'ny firenena,' dia amin'ny alàlan'io zanakalahy io. Tiako ny hamonoanao azy." Oh, hitanareo ve izany? "Ravao ny zavatra rehetra. Ravao ilay tena tanjona. Io ianao, ry Abrahama, efa ho efatra ambin'ny folo amby zato taona, dimy ambin'ny folo ankehitriny. Ary niandry an'io zaza io nandritry ny dimy amby roapololo taona ianao. Ary ankehitriny dia dimy ambin'ny folo na enina ambin'ny folo taona izy. Tiako ny hakanao azy sy hamonoanao azy, mba Hahafahako manao anao ho rain'ny firenena." Oh, oadray! Eny.

¹⁶⁷ Tena tsy nikoropaka mihitsy i Abrahama. Izy tena, tena tsy nangovitra tamin'ilay Tenin'Andriamanitra mihitsy. Hoy izy, "Eny, Tompo. Indro handeha aho." Nalainy ny hazo, ary nentiny i Isaka ho eny an-tampon'ilay havoana, tena tao anatin'ny fankatoavana marina tokoa. Nahoana? Napetrany ho voalohany ilay didin'Andriamanitra. Ahoana no hahatonga azy ho rain'ny firenena, nefá zanakalahy anankiray ihany no ananany, ary efa mihoatra ny zato taona izy ankehitriny? Ahoana no nanaovany an'izany? Satria, izao, hoy izy hoe, "Izaho..." Azony fa raha nahavita nanome azy an'i Isaka Andriamanitra, toy ny anankiray avy amin'ny maty, dia Vitany ihany koa ny hanangana azy avy amin'ny maty indray.

¹⁶⁸ Ankehitriny, ry sakaiza, ilay Andriamanitra izay nanangana antsika avy tamin'ireo zavatr'izao tontolo izao sy ny fahalovan'ity tany ity, tsy mihoatra lavitra noho izany ve no Hahafahany manome antsika ny Fiainana Mandrakizay sy hametraka antsika ao amin'ny Tany anankiray izay tsy misy fahafatesana? Hitanareo? Mijery an'ireo fizahan-toetra kely isika, dia mihevitra isika fa tena zavatra izy ireny. Nahoana, ireny dia tsy inona fa fotoana kely fitsapana fotsiny. Hitanareo? Nitsapa an'i Abrahama Andriamanitra, saingy nahazo ny andro-F ho azy izy rehefa niakatra teny tao anatin'ny fankatoavana ny Teny izy.

¹⁶⁹ Tahaka ny lazain'izy ireo amin'izao andro izao, "Fantatro." Nandre mpitoriteny anankiray aho vao tsy ela akory izay, namaky ny Asa 2:38, nefà dia nandingana izy, hitanareo. Hoy izy hoe, "Ary nilaza i Petera fa tsy maintsy hatao batisa izy ireo, ary avy eo—avy eo dia handray ny Fanahy Masina izy ireo," adinony ny namaky ny ambin'Izany. Nahoana? Hitanareo, miady amin'ilay tena Zavatra ireo rafi-pandaminana. Ankehitriny, azonareo ve ilay hevitra? Hitanareo? Nahoana ianareo no manao an'izany? Inona no mahatonga anareo hiala amin'ireo Zavatra ireo?

¹⁷⁰ Raha ny Baiboly no miteny an'Izany, dia vakio tsara Izany amin'ny fomba izay Ilazany an'Izany, ary lazao ilay zavatra mitovy amin'izay lazain'ny Baiboly. Amin'izay ianareo manao ny fanitsianareo tsara, hitanareo, miverina amin'izay nolazain'ny Teny.

¹⁷¹ Ankehitriny, mahita isika fa, izy ireo, ianareo dia manana ny...ivelan'ny fanitsianareo ianareo eo.

¹⁷² Ankehitriny, Abrahama dia nanana ny fanitsianary tsara, satria hoy Andriamanitra hoe, "Izaho no hanao anao ho rain'ny firenena," raha dimy amby fitopolo taona izy, ary Saraha dimy amby enimpolo.

¹⁷³ Ary nino an'Andriamanitra izy. Izy, inona no nataony? Napetrany ilay fanitsiany teo ambonin'ny hoe inona ilay HOY NY TOMPO HOE. Eny, tompoko. Ary nandeha avy hatrany izy niaraka tamin'izany, inona ilay HOY NY TOMPO HOE. Isan'andro, dia nandeha izy. Isan-taona, dia nandeha izy, nanambara hoe, "Ny zavatra rehetra izay mifanohitra amin'Izany, dia—dia tsy marina. Tsia, tompoko. Tsy maintsy ho Izany ilay izy. Andriamanitra no niteny an'izany."

¹⁷⁴ Toa hitako ireo sasany tamin'ireo fahavalony nandeha nanodidina, manao hoe, "Ry rain'ny firenena, zaza firy no anananaao ankehitriny?"

¹⁷⁵ "Tsy misy fahasamihafana mihitsy ny hoe firy no ananako ankehitriny. Izaho no rain'ny firenena. Izay ihany."

"Ahoana no hahafantaranao?"

¹⁷⁶ “Andriamanitra no niteny an’izany. Dia milamina ilay izy. Izay fotsiny ihany ny amin’izany. Andriamanitra no niteny azy, dia milamina ilay izy.”

¹⁷⁷ Noho izany dia nandeha i Abrahama. Ary farany izy dia tonga teo amin’ilay tena . . . amin’izay fotoana izay, hitanareo, tena nahatoky; arakaraky ny maha-mahatoky, no maha-be ny fitsapana. Hitanareo? Noho izany dia Nentiny niverina izy.

¹⁷⁸ Ankehitriny, tsarovy. Rehefa . . . Isain’Andriamanitra ho mendrika ianareo rehefa mahazo fitsapana anankiray ianareo. Ankehitriny, aza diso an’ity, ny mandray an’ity. Rehefa mahazo fizahan-toetra iray ianareo na fitsapana iray, dia izany no maneho fa ny fahasoavan’Andriamanitra dia nahita, ianareo dia nahita fitia tamin’Andriamanitra, ary Andriamanitra dia mino fa ho tantinareo ilay fitsapana.

Tsaroanareo, efa nanao zavatra mitovy amin’izany Izy tamin’i Joba.

¹⁷⁹ Hoy Satana hoe, “Oh, eny, nahita an’i Joba aho tany.” Hoy izy, “Izy dia tsy . . .”

¹⁸⁰ Hoy Andriamanitra hoe, “Izy dia mpanompo tanteraka. Tsy misy tahaka azy eny ambonin’ny tany. Tsy misy olona tahaka an’i Joba. Olona tanteraka izy. Ankehitriny, izy, izy no Ahy—izy no Reharehako sy fifaliako.”

¹⁸¹ Hoy Satana hoe, “Oh, azo antoka. Mahazo ny zavatra rehetra izay angatahiny izy.” Hoy izy, “Avelao aho hamely azy indray mandeha.” Ary hoy izy, “Izaho, izaho dia hanao azy hanozona Anao eo Anatrehanao mihitsy.” Hoy izy, “Hasaiko hanozona Anao fotsiny izy.”

¹⁸² Hoy Andriamanitra hoe, “Eo an-tànanao izy, fa aza esorinao ny ainy.” Hitanareo? Nanana fahatokiana an’i Joba Andriamanitra. Amena.

¹⁸³ Rehefa toy ny hoe miha-ratsy ny zavatra rehetra, dia manome anareo fizahan-toetra iray Andriamanitra. Manana fahatokiana anareo Izy. Tsy natao hanambitamby anareo Izy. Tsy voly anaty trano ianareo, mifangaro anankiray. Tena Kristiana ianareo. Manome anareo fitsapana anankiray Andriamanitra, hahitana an’izay hataonareo mikasika an’izany. Amena. Tsy mahagaga raha hoy i Petera hoe, “Ireo fizahan-toetra mahamay, nahoana, isao ho fifaliana izany. Izany dia—izany dia sarobidy noho ny volamena.”

¹⁸⁴ Ary matetika isika dia miahotrahota, “Oh, eny, raha izaho fotsiny . . .” Eny, izany, eny, izany dia zavatra izay omen’Andriamanitra anareo, mba ho resena. Izy—Izy—Izy dia mahafantatra fa hataonareo izany. Izy, Izy dia—Izy dia nametraka ny fahatokisany ao aminareo.

¹⁸⁵ Ary nino an’i Abrahama Izy . . . Abrahama no nino an’Andriamanitra, raha ny marina. Ary Andriamanitra no

nilaza, tsy isalasalana, niteny tamin'i Satana hoe, "Azoko porofoina aminao fotsiny fa tia ahy izy." Hoy Izzy, "Izaho dia... Mino an'ilay teny fikasana izy, satria Izaho no niteny taminy an'izany." Noho izany dia nentiny niakatra ny zananilahy manokana, teo an-tampon'ny tendrombohitra,nofatorany taoriany ny tànany, izany, dia tamin'ilay andro izay nolazain'Andriamanitra.

¹⁸⁶ Nanana ahiahы i Isaka kely, fantatrareo. Hoy izy, Genesisy 22, hoy izy hoe—hoy izy hoe, "Ray?"

Hoy izy hoe, "Inty aho, ry zanako."

¹⁸⁷ Hoy izy hoe, "Ity ny kitay, ary ity ny—ny—ny alitara, sy ny zavatra rehetra. Saingy—saingy—saingy aiza ny zanak'ondry, hitanareeo, ho—ho an'ny—ny—ny fanatitra?" Nanomboka nahatsapa ho hafahafa izy. "Inona, inona no dikan'izao rehetra izao? Isika, namela zavatra anankiray isika."

¹⁸⁸ Aza manisy fahasamihafana amin'izay heverinareo fa navelanareo. Navelanareo ny fiombonana amin'ny zavatra hafa. "Eny, tokony hanana an'ireo lalao karatrareo ianareo. Tokony hanao an'ity ianareo. Tokony hisotro kely ianareo. Namela ianareo." Tsy namela na inona na inona ianareo. Mandrosoa, ankatoavy ny Teny. Hitanareeo? Izay ihany, ankatoavy fotsiny ny Teny. Tsy namela na inona na inona ianareo. Ankatoavy fotsiny ny Teny.

¹⁸⁹ Hoy izy hoe, "Andriamanitra no niteny hoe, 'Ento miakatra eto izy,' ary izy dia ho—izy dia ho... Miakara eto an-tampon'ny tendrombohitra eto. Natao hanao zavatra aho. Rehefa tonga eny aho, dia hataoko izany."

¹⁹⁰ Noho izany dia niakatra teny izy, ary namatotra ny tànany, ary nampandry azy teo ambonin'ny alitara, tahaka an'izany. Tsy nimonomonona mihitsy i Isaka kely; mpankato, hitanareeo, tandindon'i Kristy. Tamin'izay fotoana izay rehefa namoaka an'ilay antsy avy tao amin'ny fitoerany izy, ary nanodina ny volony tany aorian'ny tavany, mba hanala ny ainy, dia izany no andro-F an'i Abrahama; oh, oadray, rehefa izy, notsapaina hatrevo amin'io tena fetra io, ny amin'ilay zananilahy tokana.

¹⁹¹ Ankehitriny, raha ara-panahy mihitsy ianareo, dia raiso ho fitsapana izany, rehefa nanome ny Azy Manokana Andriamanitra, hitanareeo, ilay andro-F, izay Tiandy. Tena tian'Andriamanitra ilay taranaka lavon'i Adama! Ho tonga eo amin'izany isika afaka kelikely.

¹⁹² Mariho, andro-F, ny andro-F an'i Abrahama dia ilay teo amin'ny Tendrombohitra Jire, izay nanomanan'ny Tompo fanatitra iray ho azy raha tokony ho ny zananilahy. Fitiovana, hitanareeo, fitiovana. Tamin'io andro io, dia nopofoin'i Abrahama tamin'Andriamanitra, tsy nisy aloky ny fisalasalana, ny fahatokiany. Noporofoin'i Abrahama tamin'Andriamanitra, ny finoany Azy, satria hoy izy hoe, "Nahazo an'ity zazalahy ity

aho fony aho zato taona, noho ny finoana teny fikasana iray. Ary Izy no niteny tamiko fa izaho no rain'ny firenena. Raha mangataka amiko hanala ny ainy Izy, Andriamanitra dia afaka manangana azy amin'ny maty.” Fiooo! Oadray, oh, oadray! Tokony hampikiakiaka Presbyterana anankiray izany, sa tsy izany? Hitanareo? “Fa Izy—Izy—Izy no nanome ahy an’ilay teny fikasana, ary Izy—Izy—Izy no naneho tamiko ankehitriny ny—ny porofon’izany. Amena. Izy, Izy no nanaporofa an’izany tamiko, hoe mihazona ny Teniny Izy.”

¹⁹³ Eny, taiza no Nahitany antsika? Avy tamin’ny karazana loto inona no nivoahako? Avy tamin’ny karazana inona no nivoahanareo? Aiza ny fisainantsika izao maraina izao? Inona no Noporofoiny fa ho eo anivantsika? Tsy misy fisalasalana ny mikasika an’izany. Amena. Ary ny—ny andro-F antsika dia azo antoka. Tsy maintsy azontsika izany. Hitanareo? Izy no nanaporofa an’izany.

¹⁹⁴ Hoy Abrahama hoe, “Izy no nanaporofa an’izany tamiko. Tsy nanan-janaka aho. Izaho dia—izaho dia lehilahy antitra iray. Momba aho, ary ny kibon’ny vadiko dia efa maty. Ary izahay dia... Izy dia dimy amby enimpolo taona, ary izaho dia dimy amby fitopolو taona, saingy hoy Andriamanitra hoe, ‘Izaho no hanome zaza iray ho anao amin’ny alàlany.’ Nilamina hatreo izany. Izay ihany ny amin’io.” Hoy Abrahama hoe, “Mino an’izany aho.”

¹⁹⁵ Avy eo dia nampandalovin’Andriamanitra tao anatin’ny fizahan-toetra dimy amby roapolo taona izy. Tsy nisy dikany tamin’i Abrahama izany. Nivoaka izy matanjaka lavitra noho ny nahe-izy azy tamin’ny voalohany, fa mbola nanome fiderana an’Andriamanitra foana izy. Tsy isalasalana, fa niondrika Andriamanitra ka nanao hoe, “Mpanompo toy ny inona!”

Hoy izy, hoy i Satana hoe, “Oh, hia.”

Hoy izy, “Izy...”

¹⁹⁶ “Fa Izaho dia—Izaho dia hanaporofa fa tia Ahy izy. Ento miakatra eo izy, eo an-tampon’ny havoana, ravao ilay tena porofo. Ento miakatra eo izy.”

Ary niakatra i Abrahama hanao an’ilay izy. Marina izany.

¹⁹⁷ Ary Abrahama, rehefa nanomboka hanala ny ain’ilay zaza izy, dia norambasan’ny Fanahy Masina ny tànany, nanao hoe, “Abrahama, hazony ny tànanao. Fantatro fa tia Ahy ianao.” Amena.

¹⁹⁸ Izany no karazan’olona tiako haha-izy ahy, tia an’Andriamanitra ka tsy mijery an’izay miseho. “Hazony ny tànanao.” Manome anareo an’ilay fizahan-toetra, na dia eo amin’izay mifanohitra amin’ny fiheveranareo manokana aza. Fa, raha mbola ny Teny foana no niteny an’izany, dia ataovy ilay izy, na izany aza. Hitanareo?

¹⁹⁹ “Hazony ny tànanao. Fantatro fa tia Ahy ianao, satria tsy narovanao Tamiko akory aza ny zanakao lahitokana.” Hoy Izy, “Tso-drano, hitahy anao Aho,” nanao hoe, “ny taranany dia hijoro eo amin’ny vavahadin’ny fahavalolo, ka handresy izy.” Oh, oadray! Izy dia nanao an’izany, ihany koa.

²⁰⁰ Taty aoriana kely, ho tonga eo amin’io “taranak’i Abrahama” io isika. Eny àry. Inona no . . .

²⁰¹ Niala tamin’i Abrahama ireo fisalasalana. Rehefa nandre an’ilay tena Teny izy, dia lasa ireo fisalasalana. Rehefa nahita an’Andriamanitra nanamarina an’ilay Teny izy, dia lasa ireo fisalasalana. Ny fitiavana no naka ny toerany. “Fantatro fa tia Ahy ianao, ry Abrahama. Tsy nisalasala Tamiko ianao na kely aza. Tsy nampaninona na ela toy ny inona aza no tsy maintsy niandrasanao, fa mbola nino Ahy foana ianao. Nangataka taminao Aho ny handrava an’ilay tena porofo izay Nomeko anao. Nanome anao ny porofo, avy eo nangataka taminao ny handrava an’izany. Fa tena tia Ahy loatra ianao, nitandrina ny Teniko ianao ka tsy njery ny amin’izay misy.” Amena. Izany no tena andro-F iray ho an’Andriamanitra. Hitanareo?

²⁰² Nanana andro-F iray Jakoba indray andro. Natahotra ny handeha hiverina ho any amin’ny rahalahiny izy, satria nanao ratsy izy. Saingy, kanefa, nanomboka nampitandrina azy ny Fanahy Masina, tao am-pony hoe, “Miverena any amin’ny tanindrazana izay nihavianao. Avy tany amin’ny tanindrazana ianao. Nanao ratsy ianao tany, ankehitriny Aho dia maniraka anao hiverina.” Ary rehefa nanakaiky izy, izy dia . . . Mazava ho azy, azo antoka.

²⁰³ Izany no antony tena anenjehan’ny devoly antsika. Hitanareo? Izany no antony tena anenjehan’ny devoly ny Ampakarina, ny Fiagonana, indrindra, amin’izao fotoana izao, efa akaiky an’ilay andro-F izy. Marina izany. Efa tena akaiky izy. Amin’izay ilay fahavalolo vao manao ny ratsiny indrindra, mba hampiverina. Hoy ny Baiboly hoe, “Lozanao ry tany, satria ny devoly dia toy ny liona mierona, amin’ny andro farany, mandehandeha, mandrapaka an’izay tiany, hitanareo. Lozan’izy ireo, fa ireo fanenjehana sy ny sisa dia hiseho.” Mihazona tsara an’Izany. Aza mihetsiketsika, havia na havanana. Mijanona mahitsy miaraka amin’io Teny io. Andriamanitra no niteny an’izany. Ampy izay.

²⁰⁴ Jakoba, naniry mafy tao am-pony, ny zavatra rehetra dia toy ny hoe ratsy. Te-hiverina hody izy. Ny Fanahy Masina no nitarika azy. Nanao fampanantenana tamin’Andriamanitra izy. Tsy maintsy handeha any Betela izy, handoa an’ireo fahafolom-karena sy ny sisa. Ary indro, teo amin’ny lâlany miverina, dia hitany fa i Esao, ilay rahalahy fahavalony, no—no tery am-pitan’ilay renirano mihitsy, niandry azy, niaraka tamin’ny tafika anankiray. Noho izany, dia kanosa iray i Jakoba, kanefa dia

nanana an'ireo tso-dranon'Andriamanitra izy. Andriamanitra no nampanantena fa hitahy azy. Izy no nahazo ny fizokiana. Amena.

²⁰⁵ Tandindona iray toy ny inona ho an'ilay Fiagonana amin'izao andro izao, miaraka amin'ny batisan'ny Fanahy Masina, miaraka amin'ny teny fikasan'ny Tenin'Andriamanitra mba hanamarina azy, satria ianareo dia lasa ampanhan'izany Teny izany, ilay fizokiana.

²⁰⁶ Ary Jakoba no nahazo ny fizokiana. Amena. Izy no nanana . . . Tsy niraharaha an'izany ilay rahalahiny. Ary izy no nahazo ny fizokiana, satria ny rahalahiny no nivarotra taminy an'izany tamin'ny voamaina iray vilia.

Ary toy izany koa no nivarotan'ny fiangonan'izao tontolo izao ny fizokiany.

²⁰⁷ Ary isaorana Andriamanitra, isika no nahazo an'Izany. Eny. Isika no nahazo an'Izany. Inona no mampiahiahy antsika ny amin'ny firaisan'ny fiagonana, sy ny Fikambanan'ny Firenena, ary ireo zavatra hafa rehetra ireo, raha mbola manana an'ilay fizokiana foana ianareo?

²⁰⁸ Ny ilain'ny fiagonana hatao, dia ny manao tahaka an'i Jakoba, mivavaka mandra-pahazonareo andro-F anankiray. Ary, marina, fa nanana fotoan'ny fitolomana i Jakoba. Nitolona nandrity ny alina manontolo izy, niaraka tamin'ny Tompo, saingy hoy izy hoe, "Tsy havelako mihitsy Ianao mandrapahazoako an'ity fandresena ity." Ary tamin'izay fotoana izay teo amin'ny fiposahan'ny andro teo, indray maraina, dia nanana andro-F anankiray izy. Izy dia tsy namindra toy ny taloha, intsony. Fa, teto amin'ity lafiny ity, dia mambran'ny fiagonana iray goavana, matanjaka, nefo katahotra izy. Fa, teo amin'ilay lafiny hafa, dia mpisorona kely, mandringa izy, na andriana, raha ny marina; andriana kely, mandringa, miaraka amin'ny herim-po ampy hiadiana amin'ilay tafika iray manontolo.

Hoy i Esao hoe, "Hanome tafika anankiray ho anao aho."

Hoy izy hoe, "Tsy mila an'izany aho." Nanana andro-F anankiray izy.

²⁰⁹ Tsy mila an'ireo rafi-pandaminany isika. Isika tsy mila an'ireo—ireo hadalan'ity izao tontolo izao ity. Isika tsy mila an'ireo . . . tsy tokony hitovy amin'ireo zavatr'ity izao tontolo izao ity. Nanana andro-F anankiray isika. Nitolona isika indray andro, na indray alina.

²¹⁰ Oh, tsaroako ilay tolona, rehefa—rehefa tsy maintsy maty ny amin'ny tenako aho. Saingy tonga ny andro-F anankiray, izay nahazoako ny fandresena, tamin'izay fotoana izay dia lasa marina ny Tenin'Andriamanitra. Ny fiagonana Batista, ho ahy, dia tsy nihoatra noho ny rafi-pandaminana hafa rehetra.

Marina izany. Nanana andro-F anankiray aho. Marina ny Tenin'Andriamanitra.

Hoy Dr. Davis hoe, “Nahoana, ho lasa holy-roller anankiray ianao.”

Hoy aho hoe, “Holy-roller, na tsy holy-roller!”

²¹¹ Tany, tao amin’ny Green’s Mill tao, no nijanonako nandritry ny alina manontolo tao anatin’ny vavaka, mandrapahatongan’ilay Anjely ho tonga teo tamin’io maraina io, ilay Hazavana. Nanao hoe... Inona? Niezaka aho ny hiala amin’ilay tena zavatra izay nomen’Andriamanitra ahy mba hiadiako, ireo fahitana, rehefa nilaza tamiko izy ireo fa avy tamin’ny devoly Izany. Avy eo dia tonga Izy, nilaza tamiko, nanondro indray ny Soratra hoe, “Tsy ilay zavatra mitovy mikasika ny Zanak’Andriamanitra ihany ve no nolazain’izy ireo, sy ny sisa?” Nanana andro-F anankiray aho. Tsy misy amiko intsony izany. Nandeha tany amin’ny saham-pitoriana aho, ary nanodidina sy nanodidina an’izao tontolo izao. Andro-F anankiray!

²¹² Hitanareo, nanana an’io andro-F io i Jakoba. Nitolona izy, ny alina manontolo. Fa rehefa nanomboka hiposaka ny andro, dia andro-F anankiray ho azy izany.

²¹³ Ireo fandresena lehibe rehetra sy ny sisa ireo! Vao manomboka miresaka ny amin’ireo zavatra ireo, dia tsy misy toerana hijanonana, sa tsy izany? Mahafinaritra ireo fandresena lehibe rehetra ireo. Mankasitraka ny tsirairay amin’izy ireny isika. Fandresena lehibe avokoa izy rehetra. Ireo fandresena lehibe tamin’ny ady, sy ireo fandresena lehibe tamin’ny ady arapanahy, sy ny sisa, dia lehibe. Fa, marihonareo, tsy nisy naharitra na dia ny anankiray tamin’izy ireny aza. Hitanareo? Mahazo fandresena lehibe anankiray isika, tsy maharitra. Ankehitriny, isika fotsiny...

²¹⁴ Nahita isika teto, vao tsy ela akory izay, rehefa nandeha niady tamin’i Japon isika. Nahoana, izaho—izaho... Tao antranonay manokana, dia nisy zavatra bitika kely anankiray. Nisy olona nanome zavatra bitika kely anankiray ho anay, oh, kilalao anankiray, fantatrareo, kely tahaka ny saribakoly. Ary izao no teo aminy hoe, “Vita tany Japon.” Natsipin’ny olona ilay izy dia nosimbainy. Hitanareo? Ary afaka nilaza ianareo hoe, “Vita tany Japon,” dia hatsipin’izy ireo izany. Na, miditra ao amin’ny tranombarotra mora-vidy izy ireo, andiana Rickys, fantatrareo. Tsy hoe... Miditra ao ireo olona mpisetrasetra, tranombarotra mora-vidy anankiray, mba hanao hafetsena fotsiny, hitanareo, miditra ao ary maka an’ireo zavatra avy any Japon. Te-hampiseho ny fahatokiany amin’ny firenena izy ireo.

²¹⁵ Ahoana ny amin’Andriamanitra, mihomehy eo Anatrehany? Hitanareo? Raha mora ho azy ireo ny miditra ao amin’ny magazay mora-vidy anankiray ka manongana an’ireo

fivarotana, sy ny sisa tahaka an'izany, satria nanana an'ireo saribakoly kely sy kilalao, sy ny sisa, izay nataon'izy ireo... vita avy tany Japon, satria niady taminy izy ireo; dia ahoana ny amin'ny fifohana sigara, sy ny fisotroana, ny fandaingana, ny fangalarana, sy ny sisa tahaka an'izany, hitanareo, ho an'ilay tena tafik'Andriamanitra? Hitanareo? Te-ho mahatoky izy ireo. Ahoana ny amintsika izay mahatoky? Raha lasa any am-ponja izy ireo noho ny fanaovana an'izany, inona no fahasamihafana vitan'izany, te-ho mahatoky ho an'ny firenena izy ireo, ho an'ilay saina? Saingy ny Kristiana dia matahotra, indraindray, ny hiteny tsotra. Hitanareo? Izany no antony ilantsika andro-F betsaka, rehefa afaka manao ny tenanareo ho resy ianareo. Hitanareo? Avelao Andriamanitra no handresy anareo amin'ny alàlan'ny Herin'ny fitiavany.

²¹⁶ Ireo fandresena lehibe rehetra ireo dia fandresena tsy maharitra. Na dia, ho an'i Mosesy aza, niverina avy hatrany tany amin'ny fanandevalozana indray ny Isiraely. Isan'andro, miditra dia mivoaka, miditra dia mivoaka, hitantsika izany. Mahery fo maro no mbola niady, ary maty. Mbola manao an'izany izy ireo ao amin'ireo ady, ao amin'ilay fanitsiana ara-nofon'ilay masolavitra. Manao an'izany izy ireo ao amin'ilay ara-panahy. Miady ireo mahery fo dia maty. Toy ny ahoana no hahafahantsika manohy. Manana laharana iray manontolo an'izy ireo aho voasoratra eto, tahaka an'i Daniela, sy ireo zatovo Hebreo, ary ireo mpandresy lehibe tany aloha tany izay nahazo fandresena.

²¹⁷ Saingy izy ireo, tsy an-kitsahatra, farany dia tonga ny zavatra anankiray nantsoina hoe ny fahafatesana, naka azy ireo, hitanareo, tsy nampaninona. Nanohy hatrany izy ireo, hitanareo, mbola niady, maty; niady, maty; nahazo fandresena, maty; nahazo fandresena, maty.

²¹⁸ Nefa, hitanareo, na izany aza, ny olona dia tsy natao ho faty. Ny olona dia natao ho velona. Ary tsy mampaninona na toy ny ahoana aza ireo zava-bitia lehibe maro izay nataony, fa maty ihany izy, mitovy foana. Ary mankeny am-pasana isika, alevin'izy ireo izy, dia milamina hatreto izany. Asian'izy ireo marika amin'ny vatom-pasana ny fasany any, sy ny dongom-pasany, ary izay—izay no faran'ilay izy. Ny fahafatesana no nitelina azy. Ilay Mosesy malaza, Josoa malaza, ireo mpaminanin'ny Baiboly malaza, saiky izy rehetra, afa-tsy ny roa na telo, dia fantatsika izay misy ny fasan'izy ireo, izay nanisiana marika azy ireny. Ny fahafatesana no nitelina azy ireny ary naka azy ireny avy hatrany. Hitanareo?

²¹⁹ Saingy indray andro, nisy ady anankiray, nisy an'ilay Lohan'ny Mpiady nidina, Jesosy Kristy, ilay Zanak'Andriamanitra. Ary nisy Paska anankiray. Izany no tena andro-F, rehefa avy niady Jesosy ka nandresy. Niady nanohititra ny fahavalavo rehetra izay tsy maintsy niadiana Izy.

²²⁰ Ny zavatra voalohany, rehefa teraka Izy, teraka niaraka tamin'ny anaran-dratsy anankiray Izy, teo am-panombohana, teo anivon'ireo olona, toy ny hoe Zanaka tsy ara-dalàna. Nanohy niady Irery tamin'izany Izy. "Maria, dia nahazo an'io zaza io tamin'i Josefa, nefá tsy mbola nivady akory." Tonga teo anivon'ireo ankizy izy, niaraka tamin'ny anarana anankiray. Saingy, tao anatin'ny Fony, dia Fantany fa Izy no Zanak'Andriamanitra. Hitanareo? Niady tamin'izany Izy.

²²¹ Tonga teo amin'ilay andro izay Handraisany ny Fanapahankeviny ny amin'izay Hataony Izy, rehefa avy nandray ny Fanahy Masina Izy.

²²² Tonga teo amin'ilay andro izay nitondran'i Satana Azy teny an-tendrombohitra Izy, ary nasehony Taminy ireo fanjakana rehetra an'izao tontolo izao, ka nanao hoe, "Hataoko mpanjaka anankiray Ianao ankehitriny. Ianao no milaza fa Zanak'Andriamanitra Ianao, ary manana fahefana Ianao. Homeko Anao ny fanapahana ny firenena rehetra," tena ilay ezahan'ny antikristy haha-izy azy mihitsy amin'izao andro izao. Saingy nisy andro-F anankiray teo. Niady an'izany mihitsy Izy. Hoy izy, "Raha Ianao no Zanak'Andriamanitra . . ."

²²³ Nisy fotoana iray izay nihaikana Azy tamin'ny Teny. "Raha Ianao no Zanak'Andriamanitra, dia didio ireto vato ireto ho tonga mofo. Hitanareo? Ary noana Ianao, ankehitriny hano izy ireo. Hitanareo? Raha Ianao no Zanak'Andriamanitra, dia afaka manao an'izany Ianao." Afaka nanao Izy. Marina izany. Saingy tsy maintsy nisy ny andro-F anankiray. Nahazo fandresena teo amin'izany fakam-panahy izany Izy. Hitanareo? Izy dia nahazo ny . . .

²²⁴ Hoy izy, "Ankehitriny dia afaka ny ho Olona malaza Ianao. Afaka maneho ny Tenanao Ianao, hoe inona Ianao." Nentiny Izy, teny amin'ny tendrony, ny tempoly, hoy izy, "Mianjerà. Ho tononiko Aminao ny Soratra, Izao no voasoratra hoe, 'Haniraka ny Anjely Izy hiaro Anao, fandrao Ianao hanimba ny Tongotrao amin'ny vato, sy hitondra Anao hiakatra.'" Jereo hoe teolojiana toy ny inona io Satana io. Hitanareo?

²²⁵ "Mankanesa any Ivohoko ianao, ry Satana," tonga ilay Teny. Andro-F anankiray izany. Tonga eo amin'ny andro-F rehetra Izy.

²²⁶ Nandeha teo anoloan'ny—ny renin'ny vadin'i Petera izay nandry teo Izy, nararin'ny tazo. Nanenika ny vatany ny tazo. Nila vonjy izy ireo. Nandeha teo Izy ary nikasika ny tånanay. Tsy nahajanona teo amin'ny Fanatrehany ny aretina. Tsia tokoa.

²²⁷ Avy eo dia tonga teo amin'ny toerana Izy izay nisy fahafatesana tao amin'ny—tao amin'ny fianakaviana anankiray. Tonga teo amin'ny toerana iray izay nisy lehilahy anankiray nantsoina hoe Lazarosy, Sakaizany, izay efa maty sy efa nalevina, sy nandry tao am-pasana, ary maimbo, teo amin'ny fahefatr'andro. Ny vatana dia miditra ao amin'ny fahalovana

afaka telo andro, hitanareo, roa amby fitopolo ora, fahalovana. Ary tonga teo amin'ny toerana iray izay nisy ny fiainana sy ny fahafatesana nifanatrika. Indro Izzy, ilay Fiainana; teo ny fahafatesana, izay naka an'ilay Sakaizany; teo amin'ny fifanatrehana anankiray. Nandeha nankeo amin'ilay fasana Izzy, ary nampiakatra an'ireo soroka kely, nanao hoe, "Ry Lazarosy, mivoaha." Oh, oadray! Nandroso ilay Teny. Izany ilay Tenin'Andriamanitra. Nampitsiry ny tenany indray ilay fiainana. Namerina ilay tra-boina, avy tany lavitra tany, tany ho any, ho amin'ny fiainana indray. Azo antoka. Azony ny fandresena. Marina izany.

²²⁸ Ny aretina, ny fakam-panahy, ny zavatra rehetra izay mety nisy, Izzy no niady tamin'ny kely indrindra tamin'izany. Andro-F anankiray! Tena marina tokoa.

²²⁹ Avy eo dia tonga ny fotoana iray izay nitoeran'izao tontolo rehetra izao tao anatin'ny aloka iray, ireo faritry ny aloky ny fahafatesana; ny olona rehetra, ny olombelona rehetra, ny mpaminany rehetra, ny olona malaza rehetra, ireo mahery fo rehetra izay Nirahiny ireo. Izzy rehetra dia mandry ao daholo. Ao no mandry i Abrahama, Isaka, Jakoba, Josefa, izy rehetra ireo dia mandry any am-pasana any, mino; tsy misy porofo afatsy izao fotsiny, "Ny Tenin'Andriamanitra no niteny an'izany. Andriamanitra no niteny an'izany."

²³⁰ Jereo i Joba rehefa niady mafy izy. Ny vadiny, na dia ny vadiny aza, ilay namany, hoy izy hoe, "Na dia ny fofon'ainy aza dia lasa hafahafa amiko," sy ny sisa. Izzy dia . . .

²³¹ Fotoana toy ny inona no nananan'ilay lehilahy, ireo fakam-panahy! Ary na dia i Belzara aza sy ny sisa tamin'izy ireo, dia nilaza, ary na dia i Eliho aza, dia niezaka ny hiampanga azy, sy ny sisa tahaka an'izany. Saingy fantany fa nijanona tamin'ny Teny izy.

²³² Ary tonga ny vadiny ka nanao hoe, "Ry Joba, toa ory loatra ianao." Hoy izy, "Nahoana ianao no tsy manozona fotsiny an'Andriamanitra dia maty amin'ny fahafatesana."

²³³ Hoy izy hoe, "Miteny toy ny vehivavy adala anankiray ianao." Ah-hah! Oh, oadray! Mahery fo toy ny inona!

Na dia Jesosy aza dia nanondro azy hoe, "Tsy mbola renareeo ve ny faharetan'i Joba?"

²³⁴ Nilofika tao anatin'ny asa mafy i Joba. Nilofika tao anatin'ny asa mafy i Abrahama. Eny, tompoko. Nilofika tao anatin'ny asa mafy i Isaka. Nilofika tao anatin'ny asa mafy i Josefa.

²³⁵ Hoy Josefa hoe, "Aza alevina eto aho, na izany aza. Aleveno any aho, hitanareo, aleveno any aho miaraka amin'ireo razako. Aleveno amin'ny fomba izay nandevenana azy ireo aho, ny Teny, ilay lemaka izay nandevenana azy ireo, ilay toerana izay nandevenana azy ireo."

²³⁶ Izany koa ilay zavatra mitovy amiko. Izany no antony itiavako ny hilevenana ao amin'ny Anaran'i Jesosy. "Fa ireo izay ao amin'i Kristy no ho entin'Andriamanitra hiaraka Aminy," hitanareeo.

²³⁷ Noho izany àry dia hitantsika, mitohy dia mitohy dia mitohy, nandeha ireo mahery fo, mahery fo, mahery fo. Ary tonga ny fotoana iray izay ilay Lohan'ny Kapiteny, izay naniraka azy ireo... Ary lavo teo amin'ny sahan'ady izy ireo, ireo mpandresy malaza. Izy ireo dia tonga teo amin'ireo andro-F azy ireo, ary nahazo ny fandresena an'ilay fahavalo izy ireo. Izy ireo aza...

²³⁸ Josoa, niaraka...nanana, indray mandeha, nampijanona ny masoandro niaraka tamin'ny teniny manokana izy, ary tsy namiratra izany. Ary tsy nilentika nandrity ny efatra amby roapolo ora ilay masoandro. Hoy ny Baiboly hoe, "Tsy mbola nisy mihitsy lehilahy iray, na taloha na taorian'izany, izay mba afaka nibaiko ny masoandro hipetraka tsara, fa Andriamanitra no nihaino ny feon'ny lehilahy iray."

²³⁹ Nahoana? Hitanareo, nanao an'ilay fahavalo rehetra hiverindàlana izy. Hitanareo? Izany izy ireo. Niverin-dàlana daholo izy rehetra, hatraiza hatraiza. Tsy maintsy nihaza azy ireny izy ary namono azy ireny. Izany ny amin'io rehetra io, satria izany no nanirahana azy. Ary fantany, fa raha ho tonga ny alina, dia hanana fotoana izy ireo hihetsehana indray ary hitambarana, ary dia hahavery lehilahy betsaka izy. Noho izany dia hoy izy hoe, "Mila fotoana aho. Mila hazavana aho. Ry masoandro, mipetraha tsara." Amena. O Andriamanitra. Nihaino ny tenin'ny lehilahy iray Andriamanitra ary nampijanona ny masoandro. Nijanona teo amin'ny toerany tsy niova izy nandrity ny efatra amby roapolo ora, mandra-piadiny, nandripaka ny fahavalo tsirairay ary namono azy ireny. Izy ireo dia tsy afaka... Tsy nomeny fotoana nahafahana nihetsika indray izy ireo. Nanohy nandroso izy.

²⁴⁰ Ary, kanefa, dia nampilofika ny ainy i Josoa, mandry ao amin'ny vovoky ny tany izy.

²⁴¹ Saingy, rehefa, tonga ity Andriana lehibe ity, Kristy, ilay Tokana izay hitan'i Daniela.

²⁴² Io mpiady malaza io, Daniela, teo afovoan'ireo olana rehetra sy ny sisa tahaka an'izany, ary ilay lehibe... Fa, raha nanana fotoana isika, dia ho afaka hanondro azy. Kanefa, dia nandry ao amin'ny vovoky ny tany izy. Hoy izy hoe, "Hitsahatra amin'ny lovanao ianao amin'izany andro izany, fa, ry Daniela, ianao dia hitsangana indray."

²⁴³ Ankehitriny, efa nomena azy ilay teny fikasana, ho an'ireo mahery fo rehetra ireo, hany ka, farany, dia tonga ny fotoana iray, sy ilay ora lehibe, izay tsy maintsy handoavana azy. Tonga tetra an-tany Jesosy. Nandresy ny aretina rehetra Izy. Nandresy

ny zavatra rehetra Izy. Ankehitriny dia tsy maintsy mandresy ny fasana Izy.

²⁴⁴ Nandresy ny fahafatesana Izy. Tsy afaka nijoro teo amin'ny Fanatrehany ny fahafatesana. Tsy mbola nitory teny tamin'ny fandevenana anankiray mihitsy Izy. Tsia, tompoko. Nivoaka ilay Naina maty vady niaraka tamin'ny zanany, tahaka an'izany. Najanony izany, natsangany izy. Oh, oadray! Eny, tompoko. Noporofoiny fa Izy dia nanana fahefana amin'ny fahafatesana.

²⁴⁵ Ankehitriny dia mbola misy fahavalao anankiroa: izany dia ilay fasana any, sy ny helo; ny hadesy, ny fasana. Noho izany tamin'io andro io rehefa tena maty Izy hany ka na ny masoandro aza nijanona tsy namiratra, ary ny tany—ny tany dia nanana fikorontanana nampahatahotra, niendaka avy teo amin'ireo havoana ny vatomampy, sy ny sisa tahaka an'izany, maty Izy. Nidina tany amin'ny helo Izy. Nandresy ny fahafatesana Izy. Nandresy ny helo Izy. Tamin'ny marainan'ny Paska dia nandresy ny fasana Izy. Amena.

²⁴⁶ Miresaka ny amin'ny andro-F feno ve, tena andro-F anankiray? Nentiny nivoaka izy ireo! Ary tsy izany ihany, fa, rehefa nivoaka avy tao am-pasana Izy, dia Nentiny ireo babo izay efa tao. Hoy ny Baiboly hoe, “Nitarika an'ireo babo Izy.” Niakatra avy tao am-pasana, nitondra niaraka Taminy, an'ireo mahery fo rehetra ireo any. Tsy fantatrareo ve fa fotoana lehibe anankiray izany tany ambony tany tamin'io andro io, rehefa izy ireo—rehefa niditra tao amin'io Fanjakana io izy ireo, oadray, niditra tao amin'ilay Fanjakan'Andriamanitra, nitondra an'ireo masina babo nivoaka avy tao! Izy no fandresena feno anankiray, fandresena feno anankiray. Nentiny nivoaka ireo mahery fo rehetra maty. Nentiny nivoaka i Abrahama, Isaka, Jakoba, Joba, ny sisa rehetra tamin'izy ireo, nentiny nivoaka avy tao am-pasana niaraka Taminy izy ireo.

²⁴⁷ Namabo Izy. Hitanareeo, tonga teto an-tany Izy, namabo ny fahafatesana Izy. Namabo ny helo Izy. Namabo ny fasana Izy. Namabo ny zavatra rehetra Izy. Ary ankehitriny dia mitsangana Izy, amena, miaraka amin'ireo Masiny miaraka Aminy.

²⁴⁸ “Ankehitriny dia niakatra ho any amin'ny Avo Izy ary nizara fanomezana ho an'ny olona.” Inona izany? Sabatra, nametraka sabatra teo amin'ny tānan'izy ireo, ny Teny, hitanareeo, mba handresena. Oh, oadray! Nomeny sabatra izy ireo, (hatao inona?) ny Teny, mba handresena inona? Ny aretina, ny fahotana, ireo finoanoam-poana, ny ratsy, mba hitondra ny zava-miaina rehetra izay te-ho velona, mitondra ny tsirairay amin'izy ireo ho ao amin'ny fahafantarana, hoe, “Satria velona Aho, dia velona koa ianareeo.”

²⁴⁹ Manana an'ilay adin'ny finoana isika. Ndao isika hiady an'ilay tsara... Hameno ny fandresentsika, satria ny fandresentsika feno dia mazava. Azo antoka izany. Tsy maintsy

ho izany izy. Manana ny voaloham-bokatr'izany isika. Manana ny porofon'izany isika ao am-pontsika ankehitriny, satria efa nahazo an'ilay ady voalohany isika taoriantsika. Afaka nandresy isika, tamin'ny alalan'ny Finoan'i Jesosy Kristy. Nanana andro-F anankiray isika.

²⁵⁰ Tsaroako tany, teo amin'ny folo teo izany indray alina, na rehefa tao anatin'ilay garazy antitra kely tany aho, nivavaka hoe, "Andriamanitra, na vonoy aho na vonjeo aho." Nandeha tany amin'ireo fiangonana aho. Tian'izy ireo aho hiakatra ary handray tànana an'ilay mpitroy teny.

Hoy aho hoe, "Mila zavatra anankiray mihoatra noho izany aho." Hitanareo?

²⁵¹ Avy eo tao amin'ilay garazy tamin'io alina io, rehefa hoy aho hoe, "Andriamanitra, tsy afaka mandeha lavitra intsony aho. Izaho—izaho dia ho faty." Ary rehefa tao amin'io tranobe antitra, mando io aho, ary ny lohaliko... Nandohalika teo amin'ny gonom-bozaka tranaingy anankiray aho, niaraka tamin'ny tànako nitsangana, nanao hoe, "Andriamanitra, tsy fantatro hoe ahoana no firesahana, Andriamatoo." Te-hanoratra taratasy ho Azy aho, hangataka Aminy mba hamela ahy. Tsy fantatro hoe ahoana no fivavaka. "Te-ho voavela aho."

²⁵² Nampanantena an'izany aho rehefa teo an-dàlam-pahafatesana teo ambony fandriana aho. Ary namela ahy Izy... Rehefa nandao ahy ilay dokotera, dia tsy nidoboka afa-tsy im-pito ambin'ny folo isa-minitra fotsiny ny foko. Ary fantatrareo hoe miadana toy ny ahoana izany. Hoy izy hoe, "Eo an-dàlam-pahafatesana izy," ary reko izany. Noresahany ny dadako, ary nosintoniny nanodidina ahy ireo lambam-baravarana. Ary tao amin'io efitrano io, tamin'io ora io, dia nahita an'ireo J's lehibe aho tonga nanerana; ilay lambam-baravarana dia nanodidina ahy, tahaka an'izany. Reko ilay mpanampy nitomany, nanao hoe, "Mbola vao zazakely fotsiny ihany, hitanareo, nefy dia indro izy fa lasa." Nitsonika nanerana ny anestezia tamin'ny taolan-damosina ary nidiitra tany anatin'ny foko. Hitanareo? Tsy nidoboka afa-tsy im-pito ambin'ny folo isa-minitra fotsiny izy.

²⁵³ Rehefa nody aho, dia tsy maintsy nopofoiko fa, fa izaho—izaho dia tia an'Andriamanitra. Ary izaho—izaho dia nandohalika teo amin'ilay tany. Hoy aho hoe, "Izaho—izaho dia tsy mahafantatra hoe ahoana no fivavaka." Ary izaho—izaho dia nanaikitra ny ankihibeko. Nieritreritra aho hoe, "Angamba... Nahita sary aho. Havaloko ny tànako tahaka an'izao, hakambako ireo rantsan-tànako." Hoy aho hoe, "Tompokolahy Hajaina, te-hiresaka Aminao aho." Nihaino aho. Hoy aho hoe, "Tsy mandre Anao aho." Hoy aho hoe, "Diso ny namalonako ny tànako. Angamba tokony nataoko tahaka an'izao ilay izy." Napetrako ny... Hoy aho hoe, "Tompokolahy Hajaina, izaho... Jesosy Kristy, te-hiresaka Aminao aho."

Hoy aho hoe, “Tompokolahy, tsy mandre Anao aho. Valio aho. Efa nandre olon-kafa aho nanao hoe, ‘Andriamanitra dia niresaka tamiko.’ Ankehitriny dia te-hiresaka an’izao Aminao aho. Nanome toky Anao aho fa hanao an’izao. Te-hiresaka ny amin’izany aho. Sitrakao ve ny ho tonga ka hiresaka amiko, Tompokolahy?” Nieritreritra aho, “Tsia, tsy nihazona ny tànako tsara aho, raha tsy izany dia ho niteny zavatra Izzy.” Tsy fantattro hoe ahoana no hanaovana azy. Tsy mbola nivavaka mihitsy aho teo amin’ny fainako. Tsy fantattro izay hatao; ity trano heva tranainy kely ity.

²⁵⁴ Indray andro, tamin’izay fotoana izay, dia izao no noeritreretiko. Nieritreritra aho hoe, “Araka ny Soratra, tahaka an’izay reko namakiana azy, dia Lehilahy iray Izzy. Ary raha Lehilahy iray Izzy, dia hahazo toy ny Lehilahy anankiray Izzy.” Marina. “Ary izao dia tsy fantattro raha mandre ahy Ianao.”

²⁵⁵ Hoy ny devoly hoe, “Nahoana, efa nanota ianao ary efa lasa ny androm-pahasooavanao. Tsy misy intsony. Hitanao, tena ratsy loatra ianao, hany ka tsy hamela anao Izzy.”

²⁵⁶ Hoy aho hoe, “Tsy mino an’izany aho. Tsy afaka mino an’izany fotsiny aho. Mino aho fa hiresaka amiko Izzy.”

²⁵⁷ Hoy aho hoe, “Tompokolahy, tsy fantattro raha manao fahadisoana aho, raha tsy namalona tsara ny tànako aho, na inona ilay izy na inona, Ianao—Ianao anie hamela ahy ny amin’izany. Fa te-hiresaka Aminao aho.” Hoy aho hoe, “Izaho no karilahy ambany indrindra eto amin’izao tontolo izao.” Hoy aho hoe, “Izaho, izaho dia nanao an’ireo zavatra rehetra ireo, ary—ary nandositra Anao aho, sy ny sisa,” nanohy niresaka tahaka an’izany.

²⁵⁸ Ary ny zavatra voalohany fantattrareo, raha mbola niresaka aho, tonga niampita an’ilay efitra ny Hazavana kely iray, sy nandeha teo amin’ny ilan’ny rindrina, ary nanao Hazavana hazo fijaliana iray, io Hazavana io, ary nanomboka niresaka tamin’ny fiteny iray. Izaho tsy mbola, tsy mbola nahare mihitsy an’izany teny amin’ny fiteny tsy fantatra izany; tsy mbola namaky Baiboly mihitsy akory aza; nitady ny Jakoba 5:14 tao amin’ny Genesisy aho. Niandrandra teo aho, ary nahita an’io Hazavana io, ary niresaka tamin’ny karazana fiteny anankiray izy. Avy eo dia lasa Izzy.

²⁵⁹ Dia hoy aho hoe, “Tompokolahy,” hoy aho hoe, “Izaho—izaho—izaho tsy mahafantatra na inona na inona mikasika an’io fainana Kristiana io.” Hoy aho hoe, “Raha—raha Ianao izany miresaka amiko izany, dia tsy mety ho azoko ny Fitenniao, Tompokolahy. Fa raha hiresaka Ianao... Ary raha tsy afaka miteny amin’ny fiteniko Ianao, hitanareo, izaho—izaho dia tsy mahazo ny Anao, fa mety hifankahazo isika tahaka an’izao: raha hiverina eo mihitsy indray Ianao, dia izany no ho famantarana iray eo amiko sy Aminao, hoe mamela ahy Ianao.”

²⁶⁰ Teo indray Izy. Oh, miresaka ny amin'ny andro-F anankiray ve? Nanana anankiray aho, eny, tena andro-F iray ve? Teo indray Izy, niresaka tamin'ny fomba mitovy. Ary nanana andro-F anankiray aho. Oh, oadray!

²⁶¹ Ary nanomboka tamin'izay, rehefa nametraka ny Teny teo amin'ny tànako Izy, dia niady aho mba hahazoako an'ilay loka, misosasosa eo amin'ireo ranomasin-drà.

²⁶² Isika rehetra dia nanana fandresena iray. Niady fandresena maro isika. Ary ho avy tsy ho ela ny fandresena lehibe anankiray, eny an-jorony rehetra eny mihitsy. Ny andro-F feno antsika dia tsy ho ela, rehefa hamaky ny lanitra ilay Zanak'Andriamanitra, ary hikiakiaka amin'ny Feon'ny Arkanjely, dia ho avy indray Izy. Ary hisokatra ireo fasana, ka handeha hivoaka ny maty.

²⁶³ Heveriko fa nandefa ny horonam-peoko ianareo eto, ny amin'ilay fahitana vao azoko, na ny fampakarana, na inona na inona ilay izy, tao amin'ny efitra iray; ary niakatra tany ka nahita an'ireo olona ireo, mitovy mihitsy tahaka ny ahitako anareo, ity Baiboly ity mipetraka misokatra eto anoloako eto. Ary Andriamanitra no mahafantatra fa izany no fahamarinana. Hitanareo? Tany izy ireo, tanora, tena nitovy, ary nitovy.

²⁶⁴ Fa ianareo rehetra dia tao amin'ny favoriana, ary ianareo dia mahalala, an'ireny fahitana ireny. Efa mba nahita anankiray diso ve ianareo? Tsia, tompoko. Vao haingana mihitsy dia nandefa ahy teto Izy ho an'ny anankiray, niteny tamiko izay nitranga. Ianareo rehetra, ny rehetra aminareo, dia mahafantatra mikasika an'izany. Nandeha avy hatrany. Teo mihitsy izany, tena marina tokoa. Tsy diso mihitsy izany.

²⁶⁵ Ary lazaiko aminareo, amin'ny maha-vondrona Kristiana kely anankiray mipetraka eto izao maraina izao, hazony ilay tànan'Andriamanitra tsy miova. Efa nahazo fandresena iray tsy maharitra ianareo. Saingy ho tonga ny tena andro-F anankiray, tena feno, rehefa ho avy Jesosy.

²⁶⁶ “Ary hotsofina ny trompetra; ny maty ao amin'i Kristy dia hitsangana.” Ary raha tsy manana an'izany fanantenana izany ao anatinareo ianareo, dia aza avela handalo ity andro ity ka tsy hahazoana azy.

²⁶⁷ Nandre zavatra kely anankiray aho, vao tsy ela, izay tiako haverina. Izany dia avy tamin'ny, mino aho, i Billy Sunday no nanao an'ilay fanamarihana. Nisy zazalahy anankiray izay nanao fahadisoana. Tsy fantatro raha efa mba nandre an'izany ianareo, na tsia. Nanao fahadisoana iray izy. Nalefan'izy ireo tany am-ponja izy, handeha any... Tany izy. Ary noho izany dia nahazo fitsarana izy. Ary—ary ilay mpitsara dia niteny...

²⁶⁸ Ary tonga ilay mpitsara. Hoy izy ireo hoe, “Hitanay fa meloka noho ny fahadisoana ilay zazalahy. Ary izahay, ny mpitsara,” hoy izy, “mangataka ny ainy izahay.”

²⁶⁹ Dia hoy ilay mpitsara hoe, “Izaho—izaho dia manameloka anao ho faty, hahantona eo amin’ny tady, mandra-pialan’ny ainao mety maty. Ary Andriamanitra anie hamindra fo amin’ny fanahiniao.”

²⁷⁰ Ary nentina tao an-tranomaizina ilay zazalahy, ary napetraka tao an-tranomaizina anatiny, mba hijanonany ao mandra-pahatongan’ny fotoana tsy maintsy hahafatesany.

²⁷¹ Ary nanatona an’ilay mpitsara ireo sakaizany, ary nanao hoe, “Ry mpitsara, izahay dia nanampy tamin’ny fifidianana anao teto amin’ny tanàna. Azafady, azafady, aza avelanao ho faty tahaka an’izany io zazalahy tanora io.”

²⁷² Vao avy tany Texas aho, ho an’ny anankiray hafa, zavatra tahaka an’izany. Tovolahy iray sy tovovavy iray, ary Andriamanitra no namela ny ain’izy ireo. Tokony ho faty izy ireo, teo amin’ny telo na efatra andro taorian’izany. Ataoko fa ianareo rehetra dia nahita an’ilay gazety, ianareo izay niaraka tamiko tany, fa navelan’izy ireo ny ainy.

²⁷³ Noho izany dia niangavy izy ireo, dia niangavy, dia niangavy, ireo olona, mba tsy hanaovany an’izany. Noho izany afaka kelikely, teo amin’ilay governoran’ny fanjakana . . .

²⁷⁴ Ilay reny, tao ivelan’ny varavarana, indray andro, dia niankohoka teo amin’ilay varavarana, tahaka an’izany, ary nitomany mba hiditra.

²⁷⁵ Ary farany dia niditra ny lehilahy anankiray, nanao hoe, “Ny renin’io zazalahy io, ry governora, dia—dia ao ivelany ao. Te-hahita anao izy.”

Ary hoy ilay governora hoe, “Ento miditra izy.”

²⁷⁶ Ary ilay vehivavy, tao anatin’ny fanetre-tena, dia nandady tamin’ny tânany sy ny tongony, niakatra nankeo amin’ilay governora, ary nandray ny kirarony, ka nanao hoe, “Tompokolahy, zanako io. Aza vonoina izy. Aza vonoina izy. Izy no hany tokana mba ananako. Aza vonoina izy.” Hoy izy, “Tsy naniry ny hanao an’izany izy. Omeo fiainana fotsiny izy ao anaty tranomaizina. Fa aza esorina ny ainy, ry governora.”

Hoy ilay governora hoe, “Eny, hidina aho ary hijery azy.”

Hoy izy, “Eny àry.”

²⁷⁷ Noho izany dia nidina tao amin’ny efitrano izay nisy azy ilay governora, ary niditra izy ireo. Te-hiseho ho miavonavona ilay zazalahy. Hoy izy, “Misy olona hijery anao.”

²⁷⁸ Dia niditra ilay governora, nanao hoe, “Ry tovolahy, te-hiresaka aminao aho.” Lasa tena niavonavona izy, nipetraka fotsiny, nikombom-bava, tsy niteny na inona na inona. Hoy izy hoe, “Ry tovolahy, tiako hiteny amiko ianao. Te-hiresaka aminao aho.” Ary ilay zazalahy dia nanao fihetsika fotsiny toy ny hoe tsy

nandre azy mihitsy aza izy. Dia hoy izy hoe, "Ry tovolahy, afaka manampy anao aho raha mamela ahy ianao."

²⁷⁹ Hoy izy, "Mivoaha miala eto. Tsy te-handre na inona na inona amin'izay ho lazainao aho."

Hoy izy hoe, "Eny, anaka . . ."

²⁸⁰ Hoy izy hoe, "Mangina. Tsy hitanao ve fa sorena aho? Tsy te-handre teny anankiray izay ho lazainao aho."

Hoy izy hoe, "Eny, tonga aho . . ."

Hoy izy hoe, "Mivoaha amin'ity efitrano kely ity."

Noho izany dia nivoaka izy. Nakaton'izy ireo ny varavarana.

²⁸¹ Koa rehefa niverina izy, ilay rangahy, ilay-ilay polisy teo amin'ny efitrano, teo am-baravarana, dia nanao hoe, "Ianao no olona adala indrindra."

Hoy izy hoe, "Iza iny adalalahy iny, na izany aza?"

Hoy izy hoe, "Iny no governoran'ny fanjakana."

²⁸² Hoy izy, "Tsia, tsy ny governora. Ilay olona tokana izay afaka mamela ahy, nefà dia noroahiko hivoaka ny efitrano keliko. Ilay olona tokana izay afaka manao sonia ny famelàna ahy, nefà dia noroahiko hivoaka ny efitrano kely."

Rehefa nivoaka ilay governora, dia hoy izy, "Izy no nanao ny safidiny."

²⁸³ Noho izany, ny zavatra farany nolazain'ilay zazalahy, rehefa nametraka an'ilay saron-tava mainty teo amin'ny tarehiny izy ireo, mba hanantonana azy; rehefa nosintonin'izy ireo hihenjana ilay tady, dia napetrany teo aminy ilay saron-tava. Hoy izy, "Eritrereto ilay izy. Nitsangana tao amin'ny efitrano keliko ilay governora ary ho namela ahy raha tsy nandroaka azy aho."

²⁸⁴ Ahoana no ataontsika, izao maraina izao, raha tsy mijoro ao amin'ny efitrano kelintsika ilay Governora izao maraina izao? Aza lavina Izy, raha tsy mbola nahazo famelàna avy Taminy mihitsy ianareo. Tsy Governora fotsiny, fa Mpanjaka, ilay hany Tokana Izay afaka mamela anareo, mety mijoro ao amin'io efitrano kely izay nitoeranareo hatry ny ela io angamba Izy. Nahoana no tsy avelanareo hiditra fotsiny Izy, raha toa ianareo ka tsy, tsy mbola nanao an'izany, raha toa ianareo ka tsy mbola nanao fanoloran-tena tanteraka ho Azy?

²⁸⁵ Indray andro any, dia ho hitanareo fa izao lèlana manetry tena kely izao, izay mety heverinareo fa hoe andian'ny maivan-tsaina fotsiny, andian'olona izay tsy mahafantatra izay lazainy, ho hitanareo, fa eto ilay Governora izao maraina izao. Raha manana zavatra ilaina ianareo, raha manana efitrano kelin'aretina ianareo, izay tsy hahafahanareo mivoaka, dia eto ilay Governora. Ilay Governoran'izao tontolo izao, marina Izy, ary hanafaka anareo Izy. Tonga Izy. Nanao sonia ny famelàna

anareo Izy. Te-hanome anareo an'izany mihitsy Izy, izao maraina izao. Aza lavina izany.

Ndao isika hanondrika ny lohantsika iray minitra.

²⁸⁶ Raha mila ny tena fandresena anankiray ianareo ankehitriny, miaraka amin'ny lohanareo miondrika, nahoana no tsy manolo-tena ka mamela an'ilay Governoran'ny fanjakana, avelao ilay Governora hanao sonia ny famelana anareo izao maraina izao. Efa vonona ny hamoaka anareo Izy; hamoaka anareo avy ao amin'ny fahotana, hamoaka anareo avy ao amin'ny aretina, hamoaka anareo avy amin'izay rehetra tianareo. Ataovy izany raha mivavaka isika.

Ankehitriny dia mivavaha amin'ny fanaonareo manokana. Miresaha Aminy. Hitanareo?

²⁸⁷ Afaka niresaka tamin'ny governora ilay mpiandry ny fonja. Tsy hahasoa na inona na inona izany. Hitanareo? Ilay zazalahy no nila niresaka tamin'ilay governora. Hitanareo?

²⁸⁸ Ianareo no mila miresaka amin'ilay Governora. Raha marary ianareo, miresaha Aminy. Raha nanota ianareo ka nanao ratsy, miresaha Aminy. Izy no manana ny famelàna ho anareo.

²⁸⁹ Ray An-danitra, mankositraka izahay. Ary izaho, Tompo, dia tena raiki-trosa Aminao. Tsy misy fomba mba hahafahako handoa ny trosan'ny otoko. Tao anaty efitrano kely iray aho indray andro, satria teraka tao amin'izany efitrano kely izany aho. Fantattro hoe inona—inona no dikan'ny fahafahana. Ary tena lehibe loatra ilay vidiny, ka tsy afaka nandoa azy aho. Saingy tena faly aho fa, tamin'ny andro izay Namangianao ny efitrano keliko, dia fantattro izany, fa Tokana ihany no afaka mamela. Ny fomba tokana izay hahatonga ahy ho afaka, sy hahazo fandresena, fandresena feno iray, dia ny manaiky an'ilay famelàna izay efa Nosoniavinao ho ahy. Ary afaka aho androany.

²⁹⁰ Tena faly aho, Tompo. Namangy nitety tranomazina aho, avy amin'ireo izay nanana olana ara-panambadiana, ireo izay marary sy tratry ny tazo, ireo izay marary ary tao an-tranomaizina, ireo izay mpanota ary tao an-tranomaizina, ireo izay ketraka, sy misalasala, ary tao an-tranomaizina. Mandeha mitety efitrano kely aho, milaza amin'izy ireo, fa ho tonga eo mihitsy ilay Governora, hamela ny tsirairay, hamoaka ny tsirairay.

²⁹¹ Ray, Ianao no mahafantatra ny fon'ny olona eto androany. Enga anie ity no ho andro-F iray, andro-F feno iray. Enga anie ity no ho andro iray izay ny tsirairay, Tompo, androany, no hahazo ny fandresena. Ekeo izany, Tompo.

²⁹² Enga anie ny olona marary rehetra ho sitrana, izay ato amin'ity tranobe ity androany.

²⁹³ Enga anie ity ambadiky ny an-efitra ity ho fotoana iray izay hitenenan'ilay Feon'Andriamanitra amin'ny alàlan'ny—ny afo mirehitry ny finoana. Oh Andriamanitra, ilay afo kely mirehitra eo, an'ny finoana, ilay fanantenana kely izay mirehitra, enga anie ilay Feon'Andriamanitra hiteny amin'ny alàlan'izany, amin'ny mpifatotra rehetra izao maraina izao, ka hanao hoe, "Tonga aho androany hanafaka anao." Raha misy zazalahy na zazavavy, lehilahy na vehivavy, eto, Tompo, izay tsy mahafantatra Anao ho Mpamontjiny, enga anie ilay Feo kely hiteny, ilay finoana kely, Feo iray hiteny ankehitriny ka hanao hoe, "Eny, mino aho fa misy Andriamanitra. Mino aho fa Izy no zava-drehetra izay ilazan'izy ireo fa misy Izy." Ary, Tompo, avelao izany finoana kely izany hanafaka azy ireo izao ankehitriny izao mihitsy. Ekeo izany, Tompo.

²⁹⁴ Tahio izy ireo. Tahio Rahalahy Isaacson eto, Tompo. Tianay io lehilahy tanora sy ny vadiny io, ireo zanany kely. Tahio ilay fiangonana kely, O Andriamanitra. Fa, tena faly izahay ny amin'izy ireo, tena faly izahay mahita fa manana tafo izy ireo eo ambonin'ny lohany eto, ary toerana iray ato. Tsara loatra taminy Ianao, Tompo. Ary tena feno fisaorana Anao izahay. Enga anie izy ireo mba hitoetra ho manetry tena sy malemy fanahy, ao amin'ny Fanatrehan'Andriamanitra.

²⁹⁵ Tahio io vahiny ato amin'ny vavahadinay io. Tahio ireo mpitsidika, Tompo. Mivavaka izahay mba Ianao anie no homba azy ireo. Ary raha tsy mbola nahazo mihitsy an'ilay fandresena feno izy ireo, ho eo amin'izay hahafahan'izy ireo hanao "amena" amin'ny Teny rehetra izay tenenin'Andriamanitra, amin'izay fotoana izay, Tompo, enga anie ny finoan'izy ireo izao maraina izao, izay ananany ao Aminao, hanindry ny Teny rehetra amin'ny "amena." Ekeo izany, Tompo.

²⁹⁶ Tahio izahay rehetra. Afaho ny marary, sy ny ory. Raiso ho Anao irery ny voninahitra.

²⁹⁷ Ary, Andriamanitra malala, enga anie izahay tsy ho sorisorena aorian'izao, ka hahatsiaro fa ireo fizahan-toetra sy ny sisa tonga eo aminay ireo, dia natao fotosiny satria tia anay Andriamanitra. Izy no nanome an'izany ho anay, satria manana fahatokisana anay Izy. Mino Izy fa izahay dia...fa izahay dia manana finoana sy fitiavana Azy, ka afaka ny haharesy izahay. Izy no hikarakara an'izany. Ary enga anie izahay tsy ho sorisorena sy—sy hiahiahy ny amin'izany. Enga anie izahay handeha eo fotosiny ka hiteny ny Teny, ary handroso. Hisokatra ilay ranomasina. Ho tonga ireo andro-F. Ekeo izany, Tompo. Ary enga anie izao no ho anankiray amin'ireo andro-F lehibe an'ny andronay. Tahio izahay mandra-pihaonanay miaraka indray, amin'ny Anaran'i Jesosy Kristy. Amena.

²⁹⁸ Tiako ny hilaza an'izao, alohan'ny tsy maintsy handehanako fotosiny. Manana ora iray sy sasany aho ankehitriny,

handehanana any Tucson. Izany dia tena familiana fiara kely fotsiny. Fa tiako ny hilaza an'izao, fa tena nahafaly ahy tokoa ny tonga teto sy nahatsapa an'izao—izao finoana izay anananareo izao. Aza manalavitra an'izany mihitsy. Avelao io afо kely io hitohy hirehitra sy hirehitra. Ary tsarovy, fa Andriamanitra dia miteny ao amin'ireny afо kely ireny.

²⁹⁹ Rahalahy Isaacson, izaho—izaho dia tsy mahafantatra mihitsy hoe ahoana no hilazana an'ilay izy, tena mankasitraka, fa afaka tonga hatreto ianao ary—ary nihazona an'ilay—ilay vondrona niaraka. Enga anie Andriamanitra, ry rahalahiko, mba hanome anao ny hery hanohizana. Ary ho anareo olona izay tonga mihaino, enga anie Andriamanitra mba hanaiky ho anareo ny hery, hery Masina, mba hanohizanareo. Ankehitriny raha . . .

³⁰⁰ Ataoko fa manana fomba kely anankiray fampiravana ianareo afaka fotoana fohy, ilay fanao, Rahalahy Isaacson. Haveriko aminy ny fotoana.

³⁰¹ Ary raha misy aminareo eto, izay manana, izay nampianarina momba ny batisan'ny rano amin'ny Anaran'i "Jesosy Kristy" raha tokony ho amin'ny titran'ny "Ray, Zanaka, Fanahy Masina," ny pasitera kelintsika eto, dia vonona eto, ho faly hanao an'izany, hanao ny batisa. Raha misy olana ao am-ponareo, ka tianareo izy hivavaka miaraka aminareo, dia eto mihitsy izy mba hanao an'izany. Ary izaho . . . raha ny fahafantarako azy, ary—ary nihaona taminy aho, sy niaraka nipetraka taminy, sy ny sisa, mahafinaritra anankiray, mora fanahy, fanahy kely Kristiana no hita ao amin'ilay rahalahy kely. Ary—ary azoko antoka fa Andriamanitra dia mandre vavaka anankiray tahaka an'izany.

³⁰² Nisy lehilahy antitra anankiray fahiny nipetraka tany amin'ny tanànanay, nantsoina hoe Hay. Lehilahy antitra lehibe anankiray izy. Izy dia . . . Isaky ny misy olona . . . Manetry tena sy mora fanahy izy. Fa, ary ny sasany tamin'izy ireo dia nihevitra fa izy dia mpivavaka adalalahy anankiray fotsiny na tahaka an'izany. Fa, fantatrareo, rehefa nisy olona marary, dia niantso an'i Daddy Hay antitra izy ireo ho tonga hivavaka ho azy. Tsy adalalahy velively izy tamin'izany. Tena lehilahy mihitsy izy. Ary io miaramila traianiny io . . .

³⁰³ Nisy tsy mahatoky anankiray nipetraka teny an-tampon-kavoana tany, nanana toeram-piompiana iray. Sakaizan'ny dadako izy. Ny raiko dia nisotro. Menatra aho milaza an'izany. Saingy, ny fahamarinana dia fahamarinana, fantatrareo.

Ny Baiboly no zavatra tokana izy milaza ny Fahamarinana. Hitانareo?

³⁰⁴ Ankehitriny, dia manana boky anankiray isika izay antsoina hoe ny tantara; izany dia nilaza fa tsy nilaza lainga anankiray mihitsy i George Washington. Misalasala ny amin'izany aho. Misalasala ny amin'izany aho. Eny, tompoko. Izaho dia . . .

Izaho—izaho—izaho dia tsy—tsy mino an'izany. Ny zaza anankiray dia afaka mitombo... “Ianareo dia teraka tamin’ny ota, notorotoronina tao amin’ny heloka, tonga teto amin’izao tontolo izao niteny lainga,” hoy ny Baiboly. Noho izany izaho—izaho dia misalasala ny amin’izany filazan’ny tantara ny amin’i George Washington izany. Fa izany dia milaza fotsiny an’ilay lafy tsaran’ny olona.

³⁰⁵ Ny Baiboly dia milaza ny lafiny roa an’ny olona. Lota dia lehilahy tsara iray tany Sodoma. “Ny fahotan’ny tanàna no nanasatra ny Fanahiny marina.” Saingy tsy adinony kosa ny nilaza fa niara-niaina tamin’ny zananivavy manokana izy ka niteraka zaza iray, na izany aza, hitanareo. Milaza ny lafiny roa ny amin’izany izy. Noho izany dia tsy maintsy milaza ny lafiny roa isika.

³⁰⁶ Ny raiko, nisotro, dia niaraka tamin’io tsy mahatoky io. Ary nihomehy an’io lehilahy antitra io izy. Naneso azy foana izy. “Papa Hay antitra,” no iantsoanay azy, “Daddy Hay,” volo mitangorona kely fotsiny. Mpitory teny antitra izy. Ary nila orana izy ireo indray andro. Nirehitra avokoa ireo vokatr’izy ireo. Ary nandeha tany amin’ny fiangonana kely iray izy ireo, tsy lehibe noho ity, nantsoina hoe Little Opossum Kingdom, tany Kentucky tany. Ary rehefa tonga tao izy ireo, dia nolazain’izy ireo fa izy dia nilaza...

³⁰⁷ Izy, ilay Daddy Hay antitra, dia nanao filazana. Nilaza izy hoe, “Malala, tsofy rano ny fanahiko.” Kely, lehilahy manetry tena, mitaingina soavalny antitra anankiray, mpitory teny antitra mpandehandeha. Ary izy ireo dia manakarama azy amin’ny angamba voatavo maina eran’ny harona, fantatrareo, ary na inona na inona ananan’izy ireo, fantatrareo, sy jabora kely na tahaka an’izany. Fa, fantatrareo, izany no fomba nanakaramain’izy ireo an’ireo mpitory teny antitra mpandehandeha fahiny. Maro aminareo eto no mahatsiaro an’ireo mpitory teny antitra mpandehandeha Tatsinanana.

³⁰⁸ Ary indray andro dia nirehitra ny vokatra rehetra. Dia hoy i Daddy Hay antitra hoe, “Eny, malala, tsofy rano ny fanahiko.” Rehefa avy nanana fotoana kely anankiray tahaka an’izao izy. Hoy izy, “Raha misy aminareo rehetra te-hijanona sy hivavaka hahazoana orana, mba hijarovan’Andriamanitra ny vokatrareo,” hoy izy, “dia mijanona ianareo miaraka amiko.” Dia nijanona niaraka taminy mihitsy ilay fiangonana manontolo.

³⁰⁹ Papa, tany ivelany, dia nandeha, lehilahy tanora iray fotsiny, nanala ny laselin’ny soavaliny, nametraka an’izany—nametraka an’izany tao ambanin’ilay fiangonana, satria fantany fa ho avy ny orana.

³¹⁰ Nandohalika teo amin’ny alitara io lehilahy antitra io. Tsy nanala ny lohaliny mihitsy aza izy. Voalaza fa, teo amin’ny ora iray taorian’izany, dia nandre tabataba izy. Nijery manodidina

izy. Rahona mainty anankiray no tonga niampita an'ilay havoana. Teo ilay izy. Hitanareo?

³¹¹ Ilay tsy mahatoky, anisan'ny sakaizan'ny dadako izay naneso an'ilay mpitoky teny antitra, rehefa maty izy, dia tsy maintsy nihazona azy teo am-pandriana izy ireo. Tratry ny tazon'areti-mifindra tefoedra izy. Maro aminareo olona eto angamba no mety tsy mahafantatra hoe inona izany. Oh, tena zavatra mahatsiravina izany. Ary niady tamin'ny devoly isan'ora izy, nandritry ny telo na efatra andro. Hoy izy hoe, "Charlie, Charlie." Ny raiko izany. Hoy izy hoe, "Aza avela hahazo ahy izy. Aza avela hahazo ahy izy. Tsy hitanao ve izy fa io mipetraka eo amin'ny sisim-pandriana eo io, miaraka amin'ireo rojo mihorona manodidina azy. Aza avela mamatotra ahy amin'ireo izy. Oh!" Nikiakiaka izy. Ary nohazonin'izy ireo izy, lehilahy efatra na dimy no nihazona azy teo am-pandriana, talohan'ny nahavonona azy ho faty.

³¹² Any Kentucky any, dia manana an'ireo fanantonan-javatra tranainity izy ireo eo amin'ny ilan'ilay rindrina izay nanantonan'izy ireo ny akanjony. Misy olona ve efa mba nahita trano anankiray tahaka an'izany, izay ametrahan'izy ireo an'ilay fanantonan-javatra?

³¹³ Ary nahantony ao ilay akanjo malamany tranainity. Hoy izy hoe, "Charlie, misy whisky antsasa-litatra ao anaty paosiko ao. Mandehana, omeo an'ireo zanako izany."

³¹⁴ Ary ny vadiny, Kristiana iray, tany an-dakozia, dia nitomany, nahandro ny sakafotra hariva. Hoy izy hoe, "Tsy vitako izany."

³¹⁵ Ary nohazonin'izy ireo teo am-pandriana izy mandrapahafatiny, niady tamin'ny devoly hiala aminy.

³¹⁶ Fa i Daddy Hay antitra, ilay nihomehezany, rehefa vonona ny ho faty izy, teo amin'ny dimy amby valopolo, sivifolo taona teo, dia lasa nandeha natory izy. Ary niangona ny zanany rehetra. Ireo zafin'ny zafikeliny izay niha-lehibe dia niangona nanodidina an'ilay fandriana. Nitsangana izy. Nanana volombava fotosy izy, fantatrareo, volo fotosy kely mitangorona manodidina ny lohany. Ilay... Ny tampon'ny lohany, sola. Naholankolany ny volombavany, hoy izy, "Malala, tahio ny fanahiko." Hoy izy, "Ianareo rehetra dia nihevitra fa maty i Daddy Hay, sa tsy izany?" Hoy izy hoe, "Eny, tsy afaka ny ho faty aho." Hoy izy, "Efa maty taona maro lasa aho izay." Hoy izy, "Handeha hihaona amin'ny Tompo Jesosy fotosiny aho." Hoy izy hoe, "Oh, tena lehibe izany!" Hoy izy, "Ianareo rehetra, ry zanako, miangona manodidina ny fandriana." Nalainy, nanomboka tamin'ny zokiny indrindra ka hatramin'ny zandriny indrindra, tamin'ny tanana, ary nitso-drano azy ireo.

³¹⁷ Avy eo dia niteny tamin'ireo zananilahy anankiroa zokiny indrindra izy, nanao hoe, "Atsangano aho." Dia natsangan'izy

ireo teo am-pandriana izy. Tsy afaka nanangana ny tànany izy. Tena naлемy loatra izy.

³¹⁸ Nilaza tamin'ilay zazalahy anankiray izy, nanao hoe, "Atsangano ny tànako." Natsangany ny tànany, tahaka an'izao.

³¹⁹ Hoy izy hoe, "Andro mahafinarithra, andro mahafinarithra, rehefa nanasa ny fahotako Jesosy. Nampianatra ahy Izy hoe ahoana no fiambina sy fivavaka, ary miaina faly isan'andro." Naondriny ny lohany dia lasa izy.

Eny, tsy maintsy ho tonga amin'ny anankiray amin'ireo fiafarana ireo isika.

³²⁰ Faly aho fa ianareo dia manana lehilahy kely, manetry tena tahaka an'izao manodidina anareo, izay anananareo fahatokisana. Minoa azy; Andriamanitra no hanatanteraka fahagagana ho anareo, eo anivonareo.

³²¹ Ary te-hangataka zavatra amin'ity fiangonana kely ity aho ho ahy. Mivavaha ho ahy, sitrakareo ve? Izaho dia anankiray amin'ireo rahalahinareo, ihany koa. Tsy miaraka aminareo isan'andro; tiako ny ho izany. Manana an'ireo horonam-peo sy ny sisa ianareo eto. Fa izaho dia eo amin'ny sahan'ady lehibe anankiray. Ity dia anankiray fotsiny amin'ireo toerana izay iandrasantsika ny Fihavian'ny Tompo. Mivavaha ho ahy, satria tena mila ny vavakareo tokoa aho. Miankinda amin'izany aho, amin'ny fotoana maro, rehefa mihaona amin'ny toe-javatra sarotra aho, indrindra any amin'ireo saha any an-kafa.

³²² Ary misy an'ireo mpampianatra mpamosavy any, sy ny sisa, an'alinaliny no mitsangana any, mihaika anareo, ary mandeha eo ianareo, irery, oh, tsaratsara kokoa ho anareo ny mahafantatra izay ho resahanareo. Oh, oadray! Fa, mahay manao ny zavatra rehetra izy ireo. Mahay maka tahaka ny zavatra rehetra izay ananan'Andriamanitra mihitsy izy ireo, saiky. Mahay izy ireo. Tena tahaka an'i Jana sy Jambra mihitsy, dia mahay maka tahaka ny zavatra rehetra izay ananan'Andriamanitra eto izy ireo.

³²³ Amin'izany fotoana izany dia mahatsiaro aho, mieritreritra an'ilay vondrona kely, mahatoky. "Amin'ny firy izao, amin'ilay andro? Any lavitra any ambadiky ny an-efitra any, lavitra, ao amin'ny toerana kely anankiray antsoina hoe Sierra Vista, hitanareo, dia manomboka ny fivoriam-bavaka kely anankiray saiky amin'izao ora izao. Hitanareo? Any lavitra any, any amin'ny ilan'ilay tendrombohitra, ao anatin'ilay tranon'omby tranainy, any ho any tahak'izany, mivavaka izy ireo.

³²⁴ Amin'izay fotoana izay dia handeha aho, hoy aho hoe, "Rakotry ny vavaka aho. Satana, tsy afaka manao na inona na inona amiko ianao. Tonga aho amin'ny Anaran'ny Tompo Jesosy." Hitanareo, misy zavatra mitranga.

³²⁵ Mivavaha ho ahy. Hanao an'izany ve ianareo ankehitriny, ianareo rehetra? [Hoy ny fiangonana hoe, “Amena.”—Mpand.] Amen.

Rahalahy Isaacson, avia eto.

³²⁶ Fantatrareo, maniry aho—aho mba afaka ny hijanona eto, sy handeha any an-trano miaraka amin'ny tsirairayavy aminareo ary hihinana ny sakafohariva. Haka fotoana lava. Ary fantatratrareo lehilahy ireo dia mihevitra fa ianareo no manana ny mpahandro tsara indrindra eto amin'izao tontolo izao. Tsy isalasalana fa manana ianareo. Hitanareo? Ary azoko antoka fa tiako ny hanao an'izany. Saingy izaho—izaho tsy afaka hanao an'izany androany. Ianareo rehetra dia mahalala an'izany, sa tsy izany? Ianareo, mahalala ianareo, fa tsy afaka manao an'izany aho izao ankehitriny izao. Ao anatin'ny fisintonana goavana anankiray aho eto, amin'izao fotoana ankehitriny izao. Teho avy aho ary hanana fiombonana kely aminareo. Izaho dia te-hiverina indray, ihany koa, hiverina ary hiaraka aminareo. Andriamanitra hitahy anareo.

³²⁷ Ankehitriny, Rahalahy Isaacson, vitao, na inona na inona tian'ny Tompo hataonao.

³²⁸ Ankehitriny, raha misy aminareo te-hanatona eto, izay tsy mbola nanao fanoloran-tena iray mihitsy ho an'i Jesosy Kristy, ka tianareo ny hanatona eto ary hitsangana eto izao maraina izao, eo akaikin'ity polipitra ity mihitsy, izay itsanganako sy Rahalahy Isaacson, ka mila ny hivavahana, mila anay hivavaka mba hamonjen'Andriamanitra anareo, dia hanatona ve ianareo ankehitriny? Ary, ianareo, hahazo fandresena feno anankiray ianareo androany. Raha ianareo no . . .

³²⁹ Raha misy aminareo izay niverin-dàlana ka nanalavitra an'Andriamanitra, ary tsy mahafantatra—tsy mahafantatra, fa verinareo ilay fiombonana, tahaka an'ilay ramatoa kely omaly hariva. Oh, miangona ny aizina rehefa manalavitra an'Andriamanitra ianareo. Eo amin'ny lâlana feno fotaka ianareo. Efa vonona ny hamery ianareo. Ary raha tsy azonareo ilay fandresena izay tokony ho azonareo, ianareo ve tsy hanatona, ihany koa? Ity no fandresena feno anankiray. Ity no mety ho andro-F anankiray ho anareo, amin'ny zavatr'izao tontolo izao rehetra.

³³⁰ Hoy ianareo hoe, “Efa nanana fizahan-toetra maro loatra aho, Rahalahy Branham. Vao avy notaritina avy teo amin'ny andry nankeo amin'ny tsato-kazo aho.” Tsy vao avy nolazaiko anareo ve fa Andriamanitra izany, satria nahatoky anareo Izy? Tsy handiso fanantenana Azy ianareo, sa tsy izany? Mety ho lavo ianareo. Mety nanao fahadisoana ianareo. Fa ianareo tsy handiso fanantenana Azy, sa tsy izany? Hitsangana indray ianareo, toy ny tena miaramila anankiray, hamikitra an'ilay Sabatra, ary handroso indray. Ho faly isika hanao an'izany. Azo antoka.

³³¹ Ary raha tsy izany, dia Rahalahy Isaacson no hanohy hiresaka aminareeo amin'izay fotoana izay.

³³² Raha hamela ahy ianareo ankehitriny, dia afaka mandeha aho, hiverina any Tucson. Hiverina hijery anareo indray aho, raha sitraky ny Tompo. Andriamanitra hitahy anareo. Hivavaka ho ahy ve ianareo ankehitriny? [Hoy ny fiangonana hoe, "Amena."—Mpand.]

³³³ Tsarovy, mpandresy feno anankiray, ary atodiho ny fanitsianareo ho eo amin'i Jesosy Kristy. Izy no tsy miova omaly, anio, ary mandrakizay. Ary indray andro any, miaraka amin'ny masonareo tokam-pijery, dia ho avy eny amin'ny lanitra Izy miaraka amin'ny Fiantsoana, ny Feon'ny Arikanjely. Ny maty ao amin'i Kristy no hitsangana. Ary ireto vatana mety maty ireto dia hitafy ny tsy mety maty, ary ho any Aminy mandrakizay isika. Mandra-pahatongan'izany, dia miambena sy mivavaha. Andriamanitra hitahy anareo. Amen.

Andriamanitra hitahy anao, rahalahy.



ANDRO FANDRESENA MAG63-0421
(Victory Day)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alahady maraina, 21 Aprily, 1963, tao amin'ny House Meeting ao Sierra Vista, Arizona, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2014 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org